



· 10505

河陽趙士麟玉峰父著

卷四十四

禁差與差廣文事本宗世傳空文回野無籍吏當官職

照得衙蠹害民甚於狼虎昔云官府一點硃民間一點血甚言

差役之害也大約此輩皆市井無賴一票入手便是生涯承牌

者有正差有副差有接差之差有提差之差有坐差之差酒糧

地丁南糧以及提比事件雜派差徭差更多而擾更甚害民流

毒慘不可言總由貪殘愚懦之官視蠹為親視民為讐或委以

腹心或資為牙爪以致奸書蠹役真稟營差豈知本官最得用

之人即是萬姓含怨之人乎間有廉明者亦謂錢糧事件有差

得以早完不知皆因平日因循玩愒關茸所致及至臨時緊急

方四道並出司道下府府下州縣咆哮公庭窘辱長吏鎖拿經

承鞭撻里胥索夫船壓酒食呼盧擁妓遊湖遊山任情以播惡

橐滿乃飽颺究竟公事未完仍執空文回覆無裨吏治有礙官

箴徒飽虎狼之腹開科派之端貽功名之累不小今本都院與

各屬約本都院誓不差一人下司道設立風火雷三牌分限嚴

催三牌不至扣限已滿徑行題參該司道亦不許差一人下

府府亦不許差一人下州縣照本都院三催之法三催不結卽

將該管官揭參至州縣除人命強盜重情外其餘戶婚田土一

應細事止許令原告自拘到官虛公一斷大事化為小事小事

應細事止許令原告自拘到官虛公一斷大事化為小事小事

應細事止許令原告自拘到官虛公一斷大事化為小事小事

應細事止許令原告自拘到官虛公一斷大事化為小事小事

應細事止許令原告自拘到官虛公一斷大事化為小事小事

讀書堂全集卷第四十四

浙江書局刊

受業澤光被輯

受業澤光被輯

受業澤光被輯

化爲無事不可樹威橫遣以飽奸腹至催徵錢糧併不許差遣以及取甘結等項信牌挨村儘可傳示百姓省此差費即可當正供大半未有不環應而立至者誠能動物特俗吏未之知耳能力行者卽以此則官之貪廉臧否違者許百姓奪票擒差赴告官參盡懲決不少貸特示

飭鹽捕

竊照私鹽充斥引課有妨故令捕役巡拿務期禁戢梟販疏通正引豈不法捕快借名巡緝肆行詐害遇有大夥私販則交通受賄任其船裝興運其農民小船出入見有錢米絲布等物在內便駕言船帶私鹽搬取一空又恐事發反裝鹽一包拋彼船內硬稱現獲使其折辯無所其法號曰生蛋甚至風雨之夕幽僻之鄉張旗列械名爲巡緝遇有客舟行李沈重者無不搬劫

鹽臺全集卷第四十四

二

浙江書局刊

緣此輩借巡鹽爲護身符反難查究本都院訪聞最悉除另行拿究外合行出示嚴禁爲此云 如果有大夥私鹽許該捕嚴緝巡拿不得賄縱其肩挑手提食鹽與貧難易米覓食者概不許混拿索詐其各廳縣巡鹽捕役俱懸帶本都院檄行運司所給腰牌牌上寫年貌住址方許巡緝若無此牌駕船巡行者卽爲白捕所到之處許諸人擒拿送官以真正切盜論卽有腰牌捕役敢借巡肆橫沿途搜看扭贓劫詐擾害者與盜何異該地方協同擒拿解院以憑盡法處死決不輕貸

嚴誣告

照得刁訟之風天下皆有而浙中爲尤甚良善之民安分守法卽偶受人欺騙類多隱忍其呼號而來捏虛以逞者盡屬奸民微疵小隙視同不共之仇口角鼠牙駕作瀾天之浪緣有積蠹

遇事生風從中唆鬪訟師以無作有羅織成文使見之者心驚聞之者髮指裝點多端惟圖一准一准之後便自恃上司原告鳴張得意莫敢誰何至承問官鞫時另遞投詞或添出情節增入人名或原詞荒大改易瑣事又或被人告准下屬未審徑奔憲轅希圖從上歸結壓倒司道府縣更或事非鹽法而冒稱商竈帶入鹽梟字樣越聲鹽院又或匿名捏害冒籍出告隔府關提拖累平民及本人躲避不出自有人包告包准者種種惡習不堪枚舉及至批行審駁票拘差鎖貧者典婦供差鸞兒作費迨究其情不過絲粟小怨忿詬微嫌卽審虛昭雪而被害之人身家早破奸徒之快心已久良民之慘痛已深皆由反坐不嚴以致於此合行禁飭爲此

云

除戶婚田土一切小事當赴各

地方有司衙門告理外其有豪強吞噬蠹惡傷殘真正人命大

臺臺全集卷第四

三

浙江書局刊

盜大寃及貪婪等項方許赴本都院轉明告理務須一字不虛言言可質并照本都院所頒狀式書代書保歇姓名住地不許牽累多人干連婦女倘片詞鑿空定行加等反坐本都院執法如山斷不恕饒爾等各宜三思可已則已萬勿輕舉一時貽累後日至於公呈公狀十百成羣更多假公濟私承問各官字字俱照所批原詞審理一字不許輕輕放過更不許再收投詞聽其節外生枝其刁唆扛棍舞文代書一併嚴查究治

革積歇

竊照植嘉穀者務去苞稂禦疾癘者先驅魍魎本都院訪聞浙省各屬蠱官蠱民多由歇家爲害在省城則有各縣之歇在州縣則有各里之歇省城歇家以包兌錢糧爲事多係司道府廳積蠹通同司庫講合使費重贈烹肥甚則侵批解之正數累有

司之考成州縣歇家以包充里役爲事盡係積棍并貢監劣紳
豪紳家僕局控私派倡議捐輸餘則捐工食之年規吸鄉愚之
膏血尤可惡者衙門旣熟諸事關通聯書役爲腹心媚官府爲
牙爪餽遺賄賂顛倒刑名外則起滅詞訟武斷刁唆上則交結
營旗線逃保債本都院轅門及大小衙門日告誑狀何一非積
歇兜攬唆指爲之種種好惡何殊攫晝之穿窬處處效尤竟作
傳家之衣鉢雖經陸續訪拿仍期掃除務盡爲此云前項積
歇巨憨如本都院示革後卽能潛踪屏跡改業謀生者姑准自
新倘仍前不遵依舊攬歇橫行出入各屬衙門干預一切公事
許諸色人等指名控告以憑立拿照光棍例究處斷不輕縱凜
之毋忽

禁當官

讀臺全集卷第四十四

四

浙江書局刊

爲嚴禁當官票取之弊以砥廉隅以恤市民事照得居官義嚴
取與古稱投錢留犢之風買辦價務公平律載低勒遲還之禁
本都院自蒞任以來凡衙署內什物器皿悉係照估給費日用
蔬菜米鹽無不現銀發買期於端表率屬潔已便民乃聞各屬
多因循陋習擅設當官之名私行值月之例殊筆淋漓疊票恣
取不卽給價無論山珍海錯令若雷霆候至累月經年明如市
鬼及幸鄭些微之值仍迭饗扣勉之奸以致揭本之店頓作枯
魚負販之傭俱防市虎流弊如此自問奚安合行飭禁爲此云

云嗣後先當澄清衙舍減省庖廚毋以百姓脂膏而徒參閒賓

冗僕毋以一囊薪俸而漫思何饌郇廚至於一切貨物俱發價
現買勿蹈前轍有玷官箴卽祭祀宴會係會典全書所載各有
項款俱准開銷亦不得預取民間故濡支領示後敢仍違犯者

許諸色人等赴轅門抱牌控告并指差役姓名以憑 題參拿究不貸

禁買柴炭

爲特飭發價採買柴炭之陋習以肅官常以除民害事照得律禁交通屬吏餽遺卽係苞苴法嚴求索部民強買使同枉法本都院蒞任以來訪得嚴州一府田少山多出產柴炭小民儉於稼穡藉此完糧贍口原非委棄贖餘之物乃省城各司道衙門封價僉役執票齋文勒令縣官代爲採買該縣亦卽媵媵穀舩奔命不遑原銀度度高閣飛差四下河干遇有民間貿易柴炭卽便加貼官封交付埠頭酌半價而且有低潮之攪和埠頭之扣勉兼以重秤交收十加四五打算通盤幾成徒手一人忍氣吞聲舉室兒啼婦怨凡有人心者所不忍見聞也及數既取

讀書臺全集卷第四

五

浙江書局刊

盈提船裝送篙工舵媪獸竄烏驚解役挽夫風餐露宿投批文則有守候之艱求點收則有常例之勒索封未動津貼多端去此彼來口不暇給而縣官之苦亦有不可勝言者矣其弊全由於上司貪殘借題剝削以致防營開署並起效尤司吏道承俱希膏潤而民間之槁木死灰遂爲地方之禍根毒熾不有重法嚴懲將來波靡何底爲此 云 嗣後如有上司官府仍前發價採買者卽將差來官役立刻擒拿拘禁密封詳報本都院以憑特疏指參照貪例論罪倘容隱不舉甘心獻媚別經訪聞則與受同科并參勿縱各宜警悟毋蹈噬臍

飭本衙門員役

照得安民察吏表正宜先剔弊釐奸法行自近本都院訪聞本衙門吏書門子隨征儲將戎旗承差舍人旗牌等役每遇下班

回家守法者少肆惡者多船旗堂帖大書都院官銜持炬夜持
櫂擬本院燈號境門車馬徧結知交徹夜笙歌廣延賓客甚且
立錐無產包戶役以免差徭投刺有司說人情而干詞訟或橫
行無忌強佔各埠之經營或指騙招搖閃爍內衙之耳目凡諸
惡狀枚舉難窮本都院情偽稔知澄清自矢久凜於飲冰茹檠
豈容此社鼠城狐爲此牌仰該府照牌事理卽將開發住址姓
名轉行各屬時加稽察如有本衙門下班人役在於地方干犯
前項不法事者立卽據實密封揭報以憑嚴拿按法重究倘容
隱不舉經本都院親自訪聞該府縣亦干扶同未便先具遵依
申報慎之毋違

天下禁鬪毆

爲嚴禁結黨私鬪以保民生以省刑獄事照得民間戶婚田土

讀書臺全集卷第四十四

六

浙江書局刊

46-1

諸事彼此不無爭論但是非自有公評曲直須憑官斷豈爾愚
民不知法紀遇有些微嫌怨輒便蟻鬪蜂爭邀聘教師僱覓打
手呼朋引類互逞雄鋒親友無從解紛地方不能攔阻以致害
命傷人則下手兇徒立填絞抵元謀共毆各擬軍流且無辜鄰
誣并受干連拖累之殃卽原告屍親亦擔聽候奔波之苦連年
不決兩敗俱傷追悔所由噬臍何及本都院訪聞旣悉深用痛
心除拳棒教師打手惡少另檄查拿外合先示禁爲此云云嗣
後務要存心退讓處事寬和不得輕搆爭端設有不平徐俟經
官申理毋快旦夕之私自投縲繼勿競刀錐之末并覆身家俗
云動手三分低爾民所知也輕易傷人卽萬分有理到衙門先
占下風又爾民所知也鬪鬪場中此拳彼腳盡不知名姓之人
及打傷斃命則定坐首事一人身上亦爾民所知也此後若不

聽本都院訓飭敢有仍前挾仇結黨攔街截毆者該地方里甲
卽便協同擒送到官不論理曲直先照光棍例問擬治罪如地
方人坐視旁觀致傷人命及克犯縱逸無獲事發一體查究坐
以知有謀害不阻當救護之條法在必行毋得泄視自取重戾
禁打手

爲嚴禁習尙拳勇以靖囂凌事照得敦親修睦斯稱仁里休風
忍辱服勞方號承家合器豈爾杭城有等不營生業遊食趁閒
之輩專逞耍拳使棒名爲打手教師引誘良家子弟轉相學習
結黨成羣見事鳴張沿街虎踞甚至受他人之僱倩代爲洩忿
報仇抑且入豪右之牢籠甘作飛鷹走狗種種流毒久在訪聞
合卽查拿姑先飭禁爲此云如有前項拳棒打手在於地方
除已往不究外嗣後倘仍蹈故轍攪擾生事許卽公呈舉首以

讀臺全集卷第四十四

七

浙江書局刊

憑立提照光棍新例治罪其有延請教師在家學習者兩鄰亦
卽舉首同居父兄并拿究處容隱之人連坐重懲不貸法在必
行慎勿泄視

觀風

爲觀風事照得本都院生長溷荒去海內萬里而遙於學無窺
而私心竊好期與爾多士日夕質疑就正其本志也然膺茲艱
鉅不得不以簿書爲急就茲下車之始本都院例得觀風姑先
封題分試如面請益夫論文於近日求其稍砥頽波者未數數
見總以習氣太重拔脫爲難探奇好古之士失之過高掠陳趨
靡之流失之甚鄙但能一字一句流自胸中自毅然而變煥然
而新故欲復古道先洗時蹊欲式經雅必究原本此本都院甘
苦自得之語聞途老馬或有可師爲此牌仰該府卽便轉行州

縣集諸生於公所將所封題目靜而試之務盡一日之長毋爲蹈襲毋爲龐襍毋爲庸腐爾府州縣官試畢即將原卷封固限次日一併彙解前來聽本都院親閱擯錄所錄有優通卓越者近者卽行嚴覆遠者於七月臨場時另期示覆以別真僞倘所覆文理筆蹟與所錄不符此僱倩代筆之弊也自誑誑人有士如此何以立身鬻序定行究革至貢監諸生及各童生果揣摩有素惠然自來者該有司亦一同收解其杭郡三學定於本月某日齊集府學候本都院親試所有供給等項本都院另示通知毋忽

逐流娼

爲飭逐流娼土妓肅紀維風事照得人情喜蕩見異多遷女色興戎藏奸莫辨向有不法龜奴賂買良家婦女逼令倚門獻笑

讀書集卷第四

八

浙江書局刊

輕狂子弟墮入其中鮮不破產傷生遊客經商或致飄零流落尤可恨者辱人賤行穢見污聞若令與吾民同閭而居比屋而處豈不敗裙釵廉恥之防何以作閭幃貞節之勸甚則來歷不明之人概留宿寓遂致驚疑叵測之事並出淵叢至於勾集旗兵假威生擾尤滋眉睫之害宜搜城社之根爲此牌仰該府州縣卽行出示曉諭所屬一應流娼土妓著地方挨查限文到某日盡行驅逐不許容留住歇敢有違玩不遵者卽將保甲鄰佑房主人等一併究罪不貸取具遵依報查毋違

埋骨

竊照仁政不遺澤枯死者安於歸土昨本都院偶出輒見城塢郊坂到處屍棺暴露詢之皆係流寓羈魂或無主而竟成拋棄或因貧而乏費搬移亦有土著之人家計蕭條苦無墓田可葬

者以致縱橫朽落風雨飄搖觸目刺心深堪憫惻又聞浙西習俗將骸骨焚燬用布袋盛貯懸挂橋梁之下舟楫往來千人屬目更爲殘忍合行查議爲此牌仰該府縣卽查暴露屍棺如有喪主可搬有墳塋可歸者道限兩月內各令營葬其異鄉流落土著委頓之柩查有境內空閒官地卽當置爲義塚各代掩埋仍立標記以便識認或無官地可置而有民地願售者議定價值詳請本都院給銀置買其橋梁懸挂骨殖著各地方總甲亦一一移厝義塚嗣後不許仍襲惡俗立刻舉行慎勿以迂緩膜

置
飭牙行

爲懋陳公私交困之由懇賜禁止以除積弊以解倒懸事據直省各府州縣商人具呈前事照得商旅在數千百里之外遠出

讀書全集卷第四十四

九

浙江書局刊

鄉井背棄妻孥秋霜夏日無時休息又且身犯波濤心驚盜賊只圖蠅頭可覓無如狡獪牙行星羅暮布或係官勢或緣武衿或恃結納於旗營或藉聲援於衙役視眈眈而欲逐逐沿途接貨勢同搶劫執盤打算賺貨肥囊甚至席捲兎脫客去重來又或那東掩西張冠李戴及水落石出血本化爲烏有可憐異鄉孤客進退兩難吞聲飲恨或淹爲乞丐流離或因而輾轉溝壑種種苦情無門可訴卽有一二不甘吞噬控鳴府縣告理非爲情面註銷卽置終歲不結幸而執法追比則又將敝衣破物抵死塘塞士不得一以致商賈視爲畏途合行出示嚴禁爲此牌仰該府查照來文并單開各條轉行所屬遍示城鄉鎮店曉諭各牙行嗣後務當凜守禁約信實通商敦誠待客期約無逾時日授受不爽分毫使遠人慕義客至如歸是卽爲爾衣食之源

何必用此奸狡之術敢有藐法故違許商人指名控告該管府州縣官卽爲按法究處追償貨本毋致有徇情賄延准折掣抵等弊本都院仍不時訪拿照光棍例治罪倘該管官視爲具文任其橫行一經訪聞告發該府縣亦干未便取具各遵依報查毋違

飭關役

爲嚴禁關役違例橫索以便商民事照得商貨過關稅銀自有定額不容額外多取向聞積奸關蠹朦朧悖例於不應抽稅之處差役四出擾害更有家丁內使分踞關務串通巡攔凡行人一器一物小民斤綿丈布亦逼令其上稅稍有違拂卽稱漏稅任意加倍罰取使稅銀什倍於本貨之價以致飲泣吞聲怨讟載道其過客攜帶囊篋不過隨身衣服零星物件亦必搜檢傾

讀書臺集卷第四十

十

浙江書局刊

翻乘機攫取或內有銀錢露目因遭盜劫以致商民多有枉道趨避擾民誤課蠹害莫甚本都院訪聞最確本應拿究茲蒞任伊始姑先出示嚴禁爲此云嗣後如有大販客商經過令其照額輸課不得額外多索其行人手執囊攜零星物件及無貨民船任其往來不許強令納稅故意阻滯敢有仍前差丁坐守關務同巡攔橫行搜檢勒詐銀錢并濫差四出擾害者除另行嚴拿外仍許被害人將丁役扭赴本都院軍前以憑按法重究決不姑貸凜之毋忽

飭門兵

爲申飭守城官兵以肅法紀以便行旅事照得省城各門撥兵防守晨昏啟閉出入稽查所以詰奸宄而衛人民也聞有不法兵丁借端生事凡遇肩挑步擔之物恣行抽取負囊乘輿之人

勒索銀錢甚至婦女往來則逼其褰簾露面徒步過門迎婚喪葬之家則多方阻捐非賂以重貲斷不輕易放過倚禁門爲攬貨之藪借盤詰爲逞暴之圖衛民而反以害民大干法紀已經前院將軍禁飭在案誠恐日久法弛本都院莅任伊始合再申禁爲此云嗣後守門兵丁須凜遵法紀往來商賈不得抽取一物出入乘輿不得勒索一錢敢有玩法不遵仍蹈前轍者許被害之人赴本都院軍前據實喊稟以憑鎖拿係綠旗官兵卽盡法重懲係駐防旗丁卽帶赴公衙門究審斷不姑貸

禁優戲

照得浙省災荒之後民困未蘇凡一切無益之費概宜節省豈習俗相沿奢華競尚民家宴會輒用戲劇徒知酣歌恆舞足供一夕之歡不惜翦燭傾樽已費中人之產更有無籍游民不事

讀書堂全集卷第四十四

七

浙江書局刊

生業每於城市鄉村科斂民財恣搬傀儡以致環堵聚觀男女混襍姦盜邪淫從茲而起甚者拈頭射利遂開賭博之場角口爭強因構官司之釁種種禍胎殊堪髮指合亟嚴行禁飭爲此云所屬士民不得仍蹈前轍媚客費財假神生事如有不遵輒犯嚴禁者兩鄰保甲指名稟及搭臺演戲者該地方官不時察拿究治毋視具文倘經訪聞並處不貸文到取具遵依報查毋違

附 捐賠營債第一咨

爲旗兵契券難憑百姓馨債無力謹酌賠之法以息紛訟之端事照得杭城百萬生靈五方雜處濟濟攘夙稱饒庶要皆揭資賈販朝謀夕食外成簇錦之形實少中人之產卽當日營債一事縉頭線棍片語遊揚而借者競趨如鶩便可覘其窘狀

矣十餘年來各旗官兵駐防地方兵民交與初甚相安不意自放債之後旗丁見利心粗恣行盤剝估店拆房擁妻劫女種種不堪以致釀成大獄干瀆宸聰特嚴首惡之誅并責鈐束之懈各兵驕貪激禍貽玷磨壇前車之鑒可爲寒心今猶執新舊各券嘵嘵不已其論似直殊不知算債全憑券約而各兵之券皆屬轉票移舊翻新票前之利已多票內之本仍在未可據此以爲確證也若使執現在之票按戶而取則兩載因訟耽延時日愈久本利倍加欠債之民率多肩挑步擔雖粉骨碎身不能清償將逃亡竄徙搶地呼天之象有不止於昔日者矣本都院再四思維民爲朝廷赤子固所當矜而戎伍有防衛之勞亦宜加恤念其握票在手詎肯甘心且其中亦或有償未足本者但索取之橫不休則無窮之害立見本都院藉先人餘蔭薄有貲產再多方挪貸可以量措五千金而貴將軍都統統兵蒞民仁慈素著亦祈俯徇鄙見量捐如數共成萬金傳諭各旗除二十一年以前票約年遠更甚者不准送驗外其餘概令呈送將軍都統案前驗其數之多寡儘此照分俵給擲還原票在各兵應仰體上人捐賠之意不得復想求多此後再不許盤放不許索取違者重懲如此了局所全甚大而小民寢息不驚咸頌將軍都統之德百世不忘矣事關安輯兵民要著想當卽邀俯允合行咨請

第二咨

爲照本都院下車之始因會同貴將軍都統公衙門會審見欠債到官之張雲卿錢順甫並被逼准折妻女之錢大功一係豆腐生理一係水菜生理一係窮迫潛逃其鳩形鵠面之狀惟行

乞之見溝中之殍可以比之絕無人象傷心慘目不忍見聞以此責償粉骨莫措一二人如此人人可知是以本都院委曲思維不惜破產代民捐賠且懇慨捐協助永斷葛藤以安窮民且卹介士誠屬美舉有何律例可拘至於年遠之債皆係疊利轉票所償悉已數倍雖有契券完欠難憑杭民皆知追餘利給主之旨含忍未言今仍責追遠年小民誰肯甘心恐追獲者少給民者多也至查律內欠私債不過笞杖若違禁取利官吏放債勢豪准折強奪奸估則處分甚嚴本都院一片曲全苦心定蒙見諒倘貴將軍都統以請捐之數太多未免遲疑不即俯允本都院當與同城院司各道極力勸募再捐三千金共成八千之數祈貴將軍都統仍勉捐二千以足萬金同襄此舉查照俵分將原票盡行給發完結此事以仰答 皇上委任地方至意

讀書全集卷第百四

三

浙江書局刊

安輯兵民之心并見文武同舟之雅兩浙生民頂感在於世生生矣

本稿第三咨

爲旗兵契券難憑等事准貴將軍副都統稔覆捐貲代民還債本將軍副都統戎行冷曹何能有捐賠之力况律文並未開載宜照部覆依律完給或契券有應償還有不應償者不難會訊等因又爲移咨事准貴將軍副都統稔咨旗營庇棍等事案內錢債未經照律完結相應列單咨請示覆遵行緣由各到院准此爲照營債一事本都院實軫念逐末窮民粉骨難償故兩以捐賠咨請而貴將軍副都統回示以戎行冷曹捐賠無力然本都院蒞任以來飲冰茹檠更爲清苦此貴將軍副都統及杭民所深知所云變產代賠實出真情今當立即遣人回滇措處但

往返二萬里行程并措辦約須八個月方能得到期在明歲之夏俟到另行咨請貴將軍副都統一併確查實數代償完結萬民感德爲此合咨貴將軍副都統煩請查照施行

崇學校

竊照兩浙罹兵燹久矣今荷 皇上威靈入表廓清車書一統則禮樂肇興眞儒輩出此其時也邇者有司徃於積習但知錢穀刑名漫不識教化爲何事至學官一席類皆倖借寒畯計資餽口誰復蒿目於鼓鐘廟貌雅意斯文言之深堪浩歎殊不思百廢具興方稱才吏絃歌盈耳斯號愛人若文學博士則香火薪樵是其職掌而玩時愒歲均同聾瞽尤屬瘵官本都院蒞治浙土已八閱月其於剔弊釐奸諸大政業稍次第施行願與諸人士曳珮振衿共優游於化日光天之宇而承流協贊則郡邑之賢有司暨教職是藉焉茲擇急務數條通行頒示期在實心遵奉悉力舉行倘仍前怠玩則黜陟之例炳然殿最之考伊邇卽以教化張弛區分薦劾斷不宥少有徇縱所有事宜開列於後

計開

一修學宮先賢先聖學者水木之本源今則風雨不蔽何以妥靈上庠下庠士子絃誦之居肆今則鞠爲茂草何以考業甚者明倫堂通作廣文住室而煙塵彌漫乎棖楹兩齋房賃爲備豎居停而男女縱橫於戶牖狼藉若此自問奚安本都院示到之日府縣官卽將該學門堂廡舍逐一清出該不許容人棲佔相度緩急次第修理或動移公物或節省贏餘或量行懲罰多方設處以佐磚瓦木石之需外更設募簿一本自

紳衿以迄商賈富民勸其隨力捐助不得恃威抑勒費用稍集卽日起工其監督之任則端責教官及備用忠信敏練生員數名分班督役每季終則將捐助設處得銀物幾何修整過某處工費幾何具文郵報以憑查核務俾廟廷疊舍墜茨丹雘煥然一新如視爲迂緩及虛應故事者府縣有司教職以闖茸溺職糾參

一肅于祭國事惟祀爲大行禮以敬爲先乃今二丁之祭其藝越不可勝言矣以祭器則不備朽蝕殘缺莫之考也以祭品則不潔穢瘠腐雜莫之省也以祭儀則不虔生儒跛倚而譁奴隸蓬垢而擁或物未薦而已饜狼饕或奠未終而早擅鷹攫莫之祭也其罪首在教官而府縣司提調之權居主鬯之位則亦難辭其咎嗣今著各學遵照學政全書查明殿廡及

讀書臺全集卷第四十四

五

浙江書局

啟聖宮應設祭器是否違合舊制其有不備者卽日攢造補足或銅鑄難以卒購則或錫或盞或木皆可權代務令完美當祭之期埽除階陛拂拭几筵傳諭執事與祭生員俱須不茹葷飲酒整備衣頂格共襄事神位之前應設何羹何食何菓何蔬何牲何脯俱毋得短少潦草錯亂無章府縣獻官令阜役巡綽門次除執事及與祭外毋許一人溷入登殿周覽以及兩廡果皆如禮然後就位三獻本都院當密加體訪獎其明而糾其慢焉

一申學規士之所重文行兩端而已往者月有課教官主之季有考府縣主之近日以爲具文竟成絕響殊不知勤於考校俾有榮辱得失則士知激勵將啣唔揣摩而城闕無子衿之刺公庭鮮陽鱗之跡矣嗣後各學教官每月必實行會課每

季則府縣官命題集試評定等第懸榜宮牆期於有所鼓勵至於期望行香僅廟中一拜倉皇而去以講堂爲濼廬以師儒爲憎物是其境中幾與無學校等嗣後各學俱立講學一人或推昔菑先生或擇鄉閭名宿或聘諸鄰封學行兼優之儒俾主講席府縣官於每月朔日升明倫堂習禮序坐授几乞言取生人愛敬知能之良與反躬爲己之要痛快提撕使聽者悚然警悟餘則及於學業如胡安定經義治事之條亦皆質疑問難詳悉討論庶幾人才有所造就風尚翕然可觀本都院已擇二月初一日詣杭州府學親講作倡每月依期永爲定例所屬府州縣俱限是日一體舉行仰各預具遵依并講學姓名報聞以備延訪徵聘之選違者以不職論并發本都院前任容城令時講學金容敬一錄二篇於學

讀書彙卷第四十四

去

浙江書局刊

七二

一嚴優劣生員之舉優劣所由示旌別也旌不足以勸善別不足以懲惡則啟倖波殃其弊滋甚近見教官每歲呈送其所謂優者或蓬鬢髦儒邀榮末路或銅山乳臭藉乞姑留未有果能表潛德之光也其所謂劣者或小嫌構訟口任含沙或宿怨揮金手從下石未有果能遏大憝之醜也如此則滿紙袞襃盡是不虞之譽徒作里右笑談終朝蠶虺大都無妄之災甯免同庠憤惋無怪乎士不修行而匪類朋興矣本都院當一面行飭提學道於凡舉優者必周徇素履不得概予品題舉劣者須發審研實不得遽批黜革其該學教官申報學道務由府縣官覆核取具里鄰甘結及害證確供然後轉詳不許徇情冒濫寃陷無辜其有真正劣惡府縣官教官不能先行申究經本都院訪拿亦以賄庇參處不貸特示

飭鄉約

爲飭行鄉約以正民俗事照得郡邑吏治首重清廉尤先教化
定例薦舉卓異無教化興行字樣不准註考誠以移風易俗固
良司牧責也康熙十五年 皇上特申聖諭十六條 欽令郡
縣置鄉耆老月朔宣諭而前任撫院陳增之註解附以律令

題請刊布頒式各省則爾浙之奉行厥惟舊矣乃日人陋生馴
至寢廢道鐸之聲香聞仁義之途充塞遂使流俗愈壞莫能救
正其間孝子悌弟循理樂善之家什或得一而官不知勸鄉不
知法風勵之道衰故興行之民少本都院蒞任半載其以收常
亂德寡廉鮮恥羅法網者在在見告是有司甘爲俗吏失於教
導罪不辜屬百姓也爲此 云 卽於所轄各鄉之中每鄉舉年

高有德閭里推重者一人爲約長使主一鄉之事舉年壯力強

讀書全集卷第四十四

七

浙江書局刊

素行無過者二人爲約副主登壇宣諭檢察一鄉之事並免其
徭有司以禮優待每月朔日會集公所將 聖諭及註解高朗
講說務令明白曉暢悚然警悟毋得虛應故事嗣是一鄉之民
有信從遵奉身體力行者有頑梗不率背犯教條者約副並得
檢察之以告約長轉聞府縣有司或獎或懲毋或徇怠其重者
申報本都院加之旌表誅殛若約長約副糾舉不公容情受賄
任事懈弛亦干究治府縣官卽爲更置責逐不貸文到之日先
具遵依并約長副姓名報聞以憑查驗毋違速速

振積玩

照得兩浙官吏積玩浸入骨髓非尋常可以振起如錢穀驛鹽
學校一應事件屢催不應必延至逾限而後草率混覆俾不暇
駁查倉皇咨 題一大弊也如刑名盜命一應事件屢催不應

必延至逾限而後草率混覆俾不便具 題一大弊也此二大弊豈官之不欲卽申卽結哉總由各屬經承舞文弄法受賄作奸上下交通打成一片故意延挨代人出脫此其中大有緣故在也官不之察僅謂經承怠惰偷安試思此輩一事到手頓視爲希有奇貨有爭而承行者有黃緣而承行者承行之後精神心力畢聚於此其遲者必有爲而遲其速者必有爲而速豈真坐醉夢中耶本官墮其術中甘心隱忍代其受過俾上司目爲闕茸異日註考曰罷輒曰才力不及率皆由此猶恬不之怪惜哉今非大創一番斷難振起數年積玩故特爲嚴飭如杭嘉湖道一件爲惡棍漏典等事詳稱屢催嘉興府不應檄令將經承解究不應等因到院本都院立爲代提懲處該府并將該縣經承同解到轅各重責三十大板發回革役該道預申則該道經承卽免究在案此後凡事有一件挨限不完本都院責之司道立提經承革司道責之府亦立提經承重責詳革府責之州縣亦立提經承重責詳革遞相嚴敝俾此輩知痛楚之切膚而後知公事之宜緊知性命之爲重而後知財物之當輕如該司道府有如杭嘉湖道預爲申詳而來本都院絕不厭煩亦卽立爲代提重懲如此而不猛然省悟隨呼隨應捷於影響者未之有也爲此牌仰該司道府卽便轉飭一體遵行毋違

禁夫船

爲嚴禁擅取夫船以魅官民重困事照得驛站之設原以供給皇華支應急遞部發勘合火牌用爲照驗若一切官員差使私自過往概不得擅行索取 功令煌懸有如星日至於偏疆僻邑未經設有驛遞本無夫役可應追呼益無波累平民之理卑

頭船隻則不耕不織之人藉爲活命養家之計豈容官蠹強暴漫肆拘拿本都院訪得兩浙道途有擅索驛遞之弊有私取民夫之弊有橫封埠船之弊遂使抱關下吏遭呵辱以難堪雞肋屏農苦奔馳而莫訴河干江滸轟然鳥駭魚驚水棹山輿儼被妖乘鬼攝旂營之防兵走卒輒思循岸踰船仕宦之游客鄉親亦要討夫出票如是州縣之官或派費以待洒額外無藝之征關壩之棍徒擇弱而欺啟同類相殘之禍積習成風恬不知怪本都院矢志澄清幸際此太平世界誓當盡振頽靡爲此云嗣後驛遞所在除奉有勘合火牌者照例如數撥給夫船外其餘白牌小票到驛擅取許驛官卽時擒執控究如有擅付則與受同罪其無驛地處所州縣敢擅役一民擅派一費或經告發或經訪聞卽以違旨私徵特題拿問至埠頭船隻非大兵厯境永無封船之例卽本都院公出坐船用夫必係自雇斷不毫擾民間各屬一應大小文武官員凡到任離任公私往來以及衙門各役奉差解餉解火藥各營兵目分防更番賚文投送務皆仰遵明示悉行自儷概絕捉船裝載索夫挑抬積弊敢有抗違官卽題參兵役立拿重處不貸法在必行勒石永禁慎之特示

禁濫差

爲申嚴濫差之禁以除弊害事照得小民之最苦者差役也本都院疾之若仇首政嚴禁卽以此分別官守之賢否糾劾不肖之溺職者亦差役也近聞各屬復飛差四出夫人倘不至耳聾目瞶入國尙須問禁居官豈有冥行何苦以遠大功名據此一舉惹小民之怨干功令之嚴取本都院之怒招鬼神之譴近

訪得司道差人下府該府亦差役下縣且有駁件副役輪流坐縣隨後簽差號差不一人酒飯人事船錢規例該縣經承不得不竭力供應需索既遂卽以空文回覆所差之事仍無完結或諱差役之名竟令經胥赴縣行催者本書隨帶僕從侈扮行裝到則迎風置館厚程豐席坐則盛供乞恩求情去則重禮送行較之下役又加十倍此項破費豈天降地出乎非科斂於里民卽那用其錢糧日後民有私派之控官有侵邦之累率皆由此本都院聞之眞痛心疾首該府之泄視禁令一至於此經承之膽大不懼訪拿僅快目前一至於此除另行察參外合再飭禁爲此牌仰該府照牌事理嗣後各屬一應錢穀刑名事務俱照本都院設立牌號飛簽之法檄催不完則發號牌三催不到則發簽提簽提不應卽將該印官指名揭參如此執法嚴行雖有疲玩不愁不振也此番申嚴或從或違聽之官吏本都院惟知有法惟知有民而已該府仍設立循環文簿如有司道差役到府者卽將差役姓名并因何事所差緣由據實填報本都院查核毋違

汰冗役

爲嚴汰冗役以清蠹源事照得吏治今日之不如古若民困之難甦俗日以敝弊日以生相循而不已者其故皆由史胥徒隸之繁各屬衙門諸役俱奉有經制額定名數給以工食期於辦事驅使而已乃近來經制之外至於倍蓰一役之名而數人充之一事之役而數十人據之一曹之事而千百人蟻聚蠶擁之人數旣多則智巧迭出而狼狽相依職任互諉而課成翻滯輪班則囑負堂堦肆獮狎而圖饕餮休沐則壟斷里井指關節以簞

招搖民受其殃官蒙其玷而若輩從中罔利言之可爲切齒向來非不屢經查汰其如習視具文無非公議朋名湊合制額出一遵依了事究未嘗減去一人本都院下車以來濫差有禁衙蠹有訪地丁漕糧鹽捕詞訟諸弊各經釐剔在案各官何苦集此磨牙張吻之徒自樹召詢招尤之幟除本都院轅門戎旗儲將齋奏聽用等員役首先澄汰外合行通飭爲此牌仰屬文武官員知悉卽將該衙門吏承書門阜快查照額設原數每額一名於現在著役之中吏書則考取文理粗通阜快則擇揀年力精壯一人並要身家無犯取具里鄰甘結然後許之充役其餘盡放歸農嗣將選留各役姓名大書告示曉諭所管地方以杜假名撞歲白役詐騙之弊仍造額役清冊一本每役下填註現役姓名籍貫年貌居地呈解本都院存案查察若額冊無名

讀書彙卷第四十四

三

浙江書局刊

卷四十四

影射肆毒者或經告發或被訪聞定照光棍例從重擬辟其有黜革事故更換頂替每遇季終具文彙報以憑僉冊改註無者免報倘衙門繁劇經制各役不敷辦理預將真實情由詳明本都院酌奪另示牌到之後俱限一月內文冊申院各屬其能勇與本都院同心掃除千百虎狼以甦全浙農工胼胝之累則今年計典明年舉劾卽以革除蠹多者爲課最其或陽奉陰違舍已循役則有白簡在本都院奈此鬪茸者何哉思之毋忽

禁勒索

爲嚴禁衙役勒索聽審陋規以肅法紀事照得衙門各役原供奔走之用非~~索~~威怙勢設此厲民乃聞各屬衙門一遇人犯投審到案原~~索~~解之役卽便從中打合妄稱規例內自書房外至轅門上自吏承下至轎傘水夫之類衙門愈尊則名色愈

眾奇形怪狀駭見怖聞先索酒食盤飧聚會某樓某館次要銀封錢串數目若少若多約計開列之單已破中人之產稍不遂意則欲入而詬誶橫加頓令頭昏眼黑方出而棒鞭亂下定教帽落衣殘至於用刑卑隸夾棍行杖亦必招認講明得賄則重犯而故輕無錢則小懲而倍很潑膽橫行玩法焚贓莫斯爲甚矣此在昏庸之輩固屬懵然無知苟著賢能之聲豈不因茲有玷合行飭禁爲此牌仰該司道府照來文事理即便嚴飭該衙門各役知悉嗣後於聽審人犯概不許橫索一錢一茶敢有違犯者卽照犯贓事例盡法重處不貸各官更須留心獄訟凡推理承問之案必隨到隨審不得稽滯以滋弊端再細加體察令耳目洞然毋任作奸蒙蔽或致陽奉陰違計典伊邇賢否殿最從此攸分各宜猛省慎之毋忽

禁私折

讀書全集卷第四十四

三

浙江書局刊

七上

爲嚴禁私折南糧以甦民累以裕兵餉事照得各屬秋糧奉撥本地旂營兵米自應催解本色貯積倉廩以備支給本都院蒞任以來革積歛蠹棍串通倉腳總書包攬折乾勒秬作弊何啻三令五申乃訪各屬官役藐抗上行仍蹈私折故轍怙終不悛每米一石折徵一兩二三錢不等各官惟貪烹肥之利不知割肉之苦且墮中飽之奸旋滋誤餉之弊其南糧解省者徒有掛批發收之名並無粒米上倉之實以致滿漢官兵勉期放餉而庚癸頻呼衿肘畢露各兵恣肆咆哮豺鳴虎跳諸役迂迴掩飾鼠視蛇行執法誤公眞可痛恨今康熙二十四年南糧開徵伊始除給示四倉及行司申禁外合再通飭爲此牌仰該府立卽轉行各縣張示倉廩嚴諭收糧員役務令徵收本色貯倉聽

候撥解如有仍前私折勒耗等弊一經訪聞告發官卽 題參
蠹役立拿處死其納糧民戶甘心被勒重價私折串票以致南
米缺額者查出概不作准仍令照數完納以爲與受同罪之戒
該府速取各縣并自具遵依報案存查毋違

禁打鳥

爲嚴禁打鳥傷生以廣化育事照得人生日用有必需之物固
難禁其不殺失業窮民有必趨之利亦難禁其不爲若夫物不
可登於几俎利不過算以錙銖而殘忍慘毒惻目傷心則莫如
打鳥一事矣以彼翱翔空宇棲遲林木於人無患於世無求體
輕而肉瘦食之不足以飽也性熱而氣腥嚼之殊不覺甘也則
打之者之無謂也奈何破其巢卵拆彼雌雄徒傷天地好生之
仁致造因果報還之孽頑冥無知一知於此合行飭禁爲此 云

讀書臺全集第四十四

三

浙江書局刊

云 嗣後務各發慈心另謀生理如有或執鳥鎗或擊黏竿故戕
物命者許地方總甲人等民則擒送所在官司重責枷示兵則
拿送該管將領軍法從事扶同容隱一併治罪不貸

王丹林校

河陽趙士麟玉峰父著

受業王 抑輯

男 宸黼編

卷四十五

撫吳條約上 七則

飭官守

爲嚴飭官守以肅吏治以安民生事照得設官原以子民詩曰樂只君子民之父母父母之稱親之也然則官之於民宜子弟視之一家骨肉待之矣如殘民以逞剝民以自肥是寇賊也是仇怨也何親之與有 皇上御書飭官曰清慎勤而尤汲汲於獎廉懲貪是重今不必遠舉如直隸撫院于原江甯太守此爾

讀書堂全集卷四十五

一

浙江書局刊

各官所共知也 上察其廉不數月而 立擢畿輔節鉞則官

不論崇卑果能潔己愛民即可邀不次之異數可知己人何苦甘心靦顏首鼠兩端自墮泥塗而不思所以奮勵振拔乎貪吏之害匪一吾身本如白璧一有所染人人得而伺之豈特上官乘隙而攫之地方紳衿豪棍操短長而制之即親信之蠹役任使之奴僕亦倒持其柄而鴟張無忌矣且遊客思抽其豐知交欲得其潤百孔千瘡應酬繁雜展轉不足至動庫銀盈千累萬又慮水落石出仍不得不出於恣取之一途於是倒行逆施民怨沸騰思欲百計彌縫豈知監司府廳爲爾上官者從來止抱不嗛之孩旣欲爾厚遺又欲爾不致惹事一事起則又有一事之索層層需費究竟彌縫終不可得一經上憲執法糾參以錦衣堂上之人檄押收監頃刻即與獄囚爲伍爲祖宗之罪人名

教之所不齒置以重典求生不得求死亦不能大可爲寒心者也此豈特州縣爲然哉監司以下婪贓者視此矣又豈特監司以下爲然哉使本都院一有不慎名實不符表裏初終不能如一亦視此矣清官之利亦匪一端不要錢不徇情魂夢先爲一清矣由是風采凜凜人誰敢犯懲奸而好立盡除弊而弊必清一介不取亦一介不與上官莫可如何過客望而不入冷署蕭條家口自少薪水之費無幾則俸以儉而自足由是而清聲大著頌滿道途薦揚大典舍若人而誰哉於以立脫苦海翱翔天路爲臺諫爲卿貳爲宰輔以勳皇上太平盛治非倖也宜也清官之利如此貪吏之害如彼何去何從明者自識爲此示仰撫屬文武大小衙門官員知悉各宜猛省痛加洗滌貪不可爲合無共趨於清之一道勿擾民勿加耗勿橫徵勿私派勿受餽遺勿暮夜攫金勿酷以濟欲濫刑無辜勿苛以誅求擾亂官常與民休息平情釋冤一以全功名二以保身家三卽全性命民受其福身膺其榮父母之稱神明之頌尸祝且在世世何不利焉如不是聽本部院鐵面無情白簡具在後悔何追

廣條陳

爲特開條陳之路博諮利弊以期殫畫興除事照得巡撫之任封疆攸繫官以撫爲名責望重矣顧統七郡一州之地遠者或逾千里近亦自數百里而差以素未諳悉土俗之人而欲杜門坐照俾吏事民艱歷歷在几席間其道無繇是以本都院初奉簡命撫浙下車之日卽頒廣條陳一示令浙人罄所欲言置諸座右朝夕省覽擇其精確有濟者次第施行每一政出輿情輒鼓躍大快邇者自浙移吳父老猶稱便不置以知用獨不如

謀眾師意不若聽聰茲其前驗也又况江南人文賦稅甲於天下其間風俗或未盡醇宜何補救催科或未盡善宜何更張豪強之漏吞舟者何以究其根株貧弱之苦有隅者何以甦其涸轍田糧民之本業何累當別何制當脩水利民之生資何壅當禁遏之先圖本都院受事未幾怒焉若渴念吳越雖壤地相接恐宜於彼者容有不宜於此未敢膠柱刻舟卽江蘇所治竊聞郡殊其勢邑異其情亦難一切整齊自非詢度安能施設以上不負 朝廷而下慰彼黎庶耶今量各屬之道里分限時日期紳士者老百姓人等赴本都院衙門條陳以憑採擇務須係地方之公議時事之嘉謨方爲合格並不得摭拾浮詞恣騰邪說及匿名告訐挾私誑讒如有此等除原呈屏斥外仍行該府縣拿解重處其逾期之後槩不許復投片紙隻字以滋奸民紛擾之端各宜凜遵毋違特示

條政要

爲酌舉政要以勵官方事照得行遠道者必覘其嚮濟大川者必覓其津矧出身加民懷章佩綬而冒昧以趨滅頂以涉則未有不瀕顛及溺者本都院起家縣令敷歷有年其於政事頗諳規繩除地丁催科漕糧兌運另行頒示外茲先摘舉大端布告通屬能遵此者思過半矣所有禁條開列於後

一各官務恪守職業潔己愛民上不凌下下不援上所謂大法而小廉也今末俗相沿假送禮之名爲受賕之實一年四節白鏹封包賀喜慶生綺羅燦爛試詢所從來則無非百姓之剝肉醫瘡而欲責以清介其可得乎本都院天日具臨誓止

飲江南一勺水司道而下有以寸稟到門者立即奏參屬官俱當一體遵奉斷絕餽遺徑竇敢有仍蹈陋習則與受同科並登白簡斷無姑徇

一吳楚風澆故多健訟砥柱狂瀾責在官長惟紆期少准庶幾爲息事甯人之漸乃聞上自守巡各道端居問署恆金足以望雀角之來下逮州縣卽催科碌碌亦必假隙於此以希染指而衙門使費暮夜苞苴其爲腴民也甚矣至於佐貳受詞歷申嚴禁而因襲如故尤爲抗法嗣今本都院訪聞下屬有濫受詞訟者卽以貪論紀者府州縣正官并不得將民詞妄委廳衙利其呈繳罰贖之類至典史巡檢有地方巡捕之責堂批賊情許其查察餘敢擅受片紙者立即咨部斥逐

一刑以懲奸獄以繫辜皆不得已而用之者故惟命盜重大等

臺臺集卷第四十五

四

浙江書局刊

案方需夾訊衙蠹光棍等犯方與大板絞斬徒流等罪方行監禁其餘則辭色之聽蒲鞭之辱釋放甯家豈容寬濫乃今身爲民牧威虐漫施至有恃夾授爲催科借囹圄作典鋪者斯不但顯背 王章抑恐幽遭天譴嗣今各屬官員如有濫刑冤禁及擅用龍鬚猿頭重夾殘民者本都院訪聞最密一事得實卽以酷吏 題參府縣佐貳無故陷人入獄印官以失察并坐其逮欠稅糧悉係貧窮民戶尤須另樣小板恪遵部式薄懲示警違者卽有才能不得與卓薦之列

今日有司鮮不以盜案爲惴惴矣而盜案之所以多者由於各官恇懦捕役兇殘盜劫之後先詐失主諱強作竊報少隱多而大盜竟抱頭而漏網枉及無辜羅織良善牽砌別犯歸併銷案而眞盜方掩口而傍觀則人亦何憚而不爲盜乎故

弭盜之方莫若決於報盜勇於追盜追盜之方莫若嚴比捕役彼與盜原聲息相通踪跡熟悉捕役懼則盜必獲而盜懼盜懼則遠遁而盜案息矣至於誣良爲盜律例甚明凡有盜案必須印官親審盜犯到官無論真假必先問其家有無抄搶驗其身有無傷痕如係械船擒洗及經私刑拷弔者立正捕罪再審盜情若各官諱盜而朦朧詳報枉盜而故勘成招希圖塞責均干降黜之條曷道 題參之牘

一人命抵償關係生死聽斷之法律例開載甚明除謀殺故殺及鬪毆立時氣絕者其餘則在預具保辜以定其現傷之痕嚴核件卒以實其受傷之器而限內限外或致命或不致命一一剖析斯於命案無疑義矣至於投繯溺水自剉服砒此係匹夫匹婦齷齪輕生本不在人命之條即使威逼情真亦

讀書全集卷第四十五

五

浙江書局刊

止斷埋決杖而江南悍俗假命居奇妄指兇手率親黨以掠其家繫屍旁以肆其毒則打搶非刑其罪反重地方官須於命案初控時卽單車徑赴屍所立刻檢明隨驗被告之家有無抄搶旋帶人犯到堂虛公分別各予以應得之罪其屬誣告者定行反坐不恕庶幾人知徒死無益而天厲漸稀卽才詞亦可漸杜

一錢法爲 國家泉府奉部行新例私鑄爲首及匠人立斬爲從者立絞兌換行使之人流徙尙陽堡兩鄰不舉徒一年皆先枷號一月責四十板然後發遣該管官知情不行查拿與犯人同罪可謂嚴切足令膽落矣而江南私鑄小錢所在充斥有司漫置不問殊堪驚詫除已往不究嗣後地方官務於兌錢鋪戶時加查察其有攬利私錢者立卽拘拿訊其錢所

由來根究私爐密行撲捉各擬如例再將新例數言刊印幅紙偏示城市村鎮飭禁民間一應大小交易俱不得以私錢授受違者亦擬如例則彼奸宄之徒卽遁跡山澤炭冶日熾將焉質乎倘仍前藐玩經本都院訪拿則有該管官同罪之條毋自貽戚

一地方令長名曰民之父母蓋教養兼資興除攸賴不止簿書期會日事敲扑爲也歷觀史冊循吏垂聲者必以課農桑化遊惰招集流離封殖戶口爲務今則比較聽審日不暇給咸謂避罪救過之未能何緣習此迂拙殊不知政在識本苟能挈領提綱自致刑清政簡且四境之內舉目一望殫瘡半於膏腴污萊間於顛粟又奚怪乎徒手弱肉之棍市上縱橫穿窬強劫之兇草間蟠聚不清其源而欲遏其流不理其根而欲掃其蔓固必不得之數也嗣今有司務於公餘農隙勞來勸相俾野無曠土里無閒民深耕易耨積種豐收朔望之期必勤講上諭十六條導民於改過遷善至水利職員尤須殫心任事疏通溝洫修築隄防其有江湖阨塞宜大整頓者具牘以報

讀書彙卷第四十五

浙江書局刊

一守向廉隅義嚴取與故飲水投錢爲名流之高節帶牛留犢斯循吏之清風豈有翩翩君子徒取諸人赫赫乘軒厲民自養者乎吳下各項鋪戶夙受當官值月之害近聞少爲衰息然恐仍有不肖之員日用米薪蔬菓等項或預貰而拖負遲延或發價而青徽短少以致宅內管家之扣勉衙門胥役之欺朦俱宜飭禁勿貪纖芥致玷官箴

一吏書阜快取其校簿書給筆札供驅策而已爲官長者當隨

材器使公聽並觀不可以偶承意旨便假怡顏苟用事之姓名一揚斯招搖之風聲四播苞苴無幾而污蹟彙端過付有徵而寃詞疊控矣通屬各官由司道以迄州縣當時時深凜此戒其有積蠹老饕盤踞衙門者嚴行痛革以免被訪失察之咎至於掌家內丁尤關防所係毋得縱其出入民間交通書吏必門庭肅清而後可以鋤奸除暴

一同鄉親戚四海交遊經過投見或居停下榻充塞於道院僧房攬事招情攬亂乎刑書判牘不思 功令煌懸豈容假借地方官遇前項人不妨盡以冷面待之至本地縉紳則我願事賢友仁彼此非公不至倘涉干求尤當杜絕

一官員賢否道路自有口碑上臺豈無訪察近時惡習蒞事未半年朞月輒有德政歌青天榜紅摸藍搨徧滿街坊走流省

讀書臺全集卷四十五

七

浙江書局刊

郡此果輿人之誦乎抑有所發蹤指使而然乎徒爲識者所嗤正人所憎曾何濟於官評吏最也嗣今如有此等經本院睹問立拿鐫字鋪家根究送刑之人痛責枷示本官以不謹劾他如公呈稱頌率眾保留一槩不許到轅違者俱干重究

正風俗

竊照民之所畏者法也上之所以使民遠罪者教也教不立則民貿貿焉狃於積習而莫知所返奇衰迭告獄訟繁多職此之故本都院蒞任伊始姑據訪聞參以臆見約舉章程布爲禁約雖道德齊禮之宏謨尙恐未盡而革薄從忠之大要竊謂已該願爾四民咸知遵守則人無犯法卽至治可幾如置若罔聞司牧者執文網以議其後矣所有教條開列於左

一鄉紳爲衣冠領袖閭黨儀型有司宜加敬禮遇有興除大事必延集公庭虛懷請益庶幾凡所施行不致戾於人情土俗但吸綸迎餌宓單父曾比陽鱗掃軌閉門劉季陵終爲高士若憑藉閭閻煩繁竿牘因而自輕於人何尤各宜愛重以敦古道之教

一學校者人才所由出也培植長養責在守令近有以武健嚴酷相尚者詬辱交加狼藉無狀深可痛惡然諸生當先愛鼎勿包里役而應卯勿攬中証而涉詞勿窺伺衙門思操吏治之短長勿舞弄刀筆妄播官評之毀譽勿佻僇取侮輕瀆公庭勿酗酒蒙羞漫干法禁我果能屏跡於衙茅彼安得施威於縫掖至武生祠生贊禮生孔帖生等類並不許亂羣恣橫違者府州縣官分別申飭懲治

讀書全集卷第四十五

八

浙江書局刊

一有司於催科撫字之外務在教民興行邇者習俗啾窳仁義充塞小加大少淺長賤妨貴穰鋤箕帚起釁於天倫帷簿牆茨貽譏於眾口由道鐸杳聞而風厲之道不講也嗣今府州縣查民間有孝子悌弟敬養備至雍陸著聞及節婦貞女歷三十年與例符合者著里鄰公舉立即具文申報以憑核實題請旌表若官吏壅蔽遲延胥役勒索使費察出俱干重究

一服飾之制屢下嚴綸而淆混如故吳俗奢靡尤爲特甚優伶之裘帶儼比於簪纓奴隸之衣冠奚分於軒蓋有司申飭不勤奉行不恪因循流弊將何底止本都院蒞事之後務期廓清嗣今除職官舉貢生員及旂下子弟外敢有擅戴貂帽貂領服花緞蟒紗雲葛及三鑲緞靴錦襪拴囊金寶事件圍

帶者許諸色人扭執到官重責枷示州縣官仍前瞻徇縱容不能渙然不變以罷軟論

一鷄黍具邀交情稱厚洗腆致慶孝養彌真而乃賓筵壽席必羅列珍羞喧闐俳優堆盤滿案徒取悅於觀瞻姦態汚詞自誨淫於閨閣可謂下愚不移者矣以至山野之遊船城市之戲館酒館尤爲浪擲貲財委填豁壑嗣今槩行節減不論貧富止須循五簋之風總是紳袍莫若存一棺之雅

一存順沒甯必樂於就土生事死葬當遂其全歸吳下頽風每惑於堪輿之說拘於時日之忌有停柩纍纍以堂室爲墓壟者有浮厝草草任風雨所漂搖者甚至委諸郊以毀其骸投諸水以寒其骨睨視泚頹於汝安乎按律喪葬條云凡有喪之家經年暴露不葬者杖八十從尊長遺言將屍燒化及棄

讀書臺集卷第四十五

九

浙江書局刊

6666

置水中者杖壹百從卑幼減二等發塚條則云殘毀他人死屍及棄屍水中者各杖壹百流三千里若毀棄總麻以上尊長死屍者斬毀棄子孫死屍者杖八十其子孫毀棄祖父母父母及奴婢雇工人毀棄家長死屍者不論殘失與否皆斬可謂嚴且重矣嗣後有犯前項罪名許三黨宗屬里保鄰佑告發到官各問如律若亡歿遠方子孫不能歸葬而燒化者聽從其便亦載律文地方人不得借端攔阻

一光棍詐財奉有 新例爲首者斬爲從者絞立法綦嚴今各府州縣地方有三五成羣橫行街市凌弱暴寡闖禍生事甚至毆辱斯文撒潑縉紳者卽爲打降之光棍有躑躅衙前結交佐貳胡謫刀筆杜撰策畫鄉村號以先生原被聘作謀主者則爲訟師之光棍有田無寸土戶只單丁包攬糧里私收

貼役曾告某胥穢蠹因而身入蠹叢曾揭某官私派因而首
掌派綱則爲大里長之光棍有一生未窺場屋十年不見宗
師搖曳青衿獐獍白面朝翻承發之簿暮敲過付之明饗殮
不離酒店盥洗恆在茶坊則爲葷秀才之光棍此等踪跡雖
殊要以鑱害勒騙爲事皆與詐財新例相符除現在陸續訪
拿外其尚在漏網者著地方官指名列款申報及被害人親
身據實告轅以憑立拿照例問擬

一略販拐騙江南此風甚熾有吳鄉光棍假以娶妻妾買童婢
爲名將良家婦女賤價貨去輦載他方轉易重貲或沉溺旂
下或流落煙花此律所謂略賣也有本地光棍及奸猾媒婆
乘民家夫婦失懽妻妾互鬧或貧苦難於度日聳其賣至遠
方或旂下或煙花甚則勾引私奔殄送遠窳此律所謂和誘

讀書全集卷第四十五

十

浙江書局刊

七六四

也至有用妖術啞藥劫騙童年兒女展轉貨賣甚或折割或
殘廢惡疾逼令乞丐按日索錢此等兇慘言之尤爲切齒訪
得略販之徒卽托跡媒保家中拐騙之賊多潛泊溪河隱處
地方官務嚴飭地方保甲用心查獲立寘大法以快輿情

一賭博之禁愈嚴愈玩其故由於赫赫職官彬彬紳士而以馬
弔爲美談呼盧爲樂事科頭揎臂喪厥威儀紮局聯張壞其
心術相習成風恬不知怪則又何責乎彼牧猪奴傭保兒耶
夫罪剪其魁法行自貴各宜痛改毋得仍蹈其餘里巷無藉
聚羣賭博地方官嚴飭保長總甲巡獲稟報禁遏務絕吏治
之課將於此覘風力焉

一各處駐防滿漢官兵自 國家承平四十餘載久在地方不
異土著固已出入相安耦俱無猜矣而民間猶有句旂之害

多由遊手無賴者從中作線或慫恿放債或勾引裝逃或構局聚賭或擇殷黠詐以致盤折子女誣陷縲縲傾家破產擾市抄村靡所不至而旗兵亦因罹法網鎖鐐墩門解部鞭責卽統領之官亦爲之議罪議罰是兵民兩害悉坐此一棍徒造孽也原情定辟法不勝誅除本都院自行訪拿外各屬官宜留心查察殲滅之毋有遺育

一白蓮無爲養團啐啐等教其風不熄往往蔓延滋禍地方官須嚴爲查緝其僧流聚眾講經道士誘人受錄及扶乩請仙之類一切左道均礙教養且數彝倫有入境內者俱宜立行驅逐不許旦夕容留至於婦女入廟燒香師巫跳神祈禱並嚴禁止違者各坐以罪

一青樓娼婦雖沿流已久然舊皆避於郊外間處近則有托跡

讀書彙卷第四十五

浙江書局刊

坊市假寓良家者鼓蕩士民誨淫間巷殊屬可怪至於土妓私窩夫賣妻姦父容女穢尤爲決廉恥之防貽風教之玷並宜驅遣飭禁毋俾文物之區貽譏鄭衛此亦司牧者政體所關不可泄視

一富室通財貧人出息原係緩急相資之義而貪夫獵利欲速遂有折頭扣勉定期轉票之弊若旗幟下營債街市印子錢至以八作十按月加算則滅理違禁甚矣嗣今各處放債俱恪遵律令利息三分及年雖多不過一本一利之例毋許倚勢盤剝其窘迫小民務節儉自甘勿輕舉債偶有挪借亦須如約清償違者各問如律

一田房買賣當照時估價公平兩願過割斷絕永無爭執之端乃未俗澆僞買者挾貲要利屢其虧折求售賣者亦遂曲意

和顏滿口唯諾及受業之後則一增再增至於三四不止甚有祖父契券而子孫尙欲乞餘房族逃亡而旁支代爲搆訟者此等流弊深可痛惡嗣後賣田賣屋檢驗契內有價足斷割字樣槩不許再言增找如有恃勢逼勒無賴放潑之人經告到官以詐財論

一典鋪之利與徒手告貸者不同蓋旣挾物爲質則永無失脫之虞而又沒入有期則預估貿易之價不得仍執律令不過三分爲辭也查前院已經頒示計兩計錢酌定低昂允爲至當各屬典鋪俱當一體遵奉不許浮溢違者提管典人重究不貸

一官鹽給引出場運至口岸計本籌息自有一定之價近日各商心狠手辣不容本地鋪家承賣悉布親黨盤踞州縣閱張店面打成一片任意低昂有此縣之價頓長於彼縣近地之價反貴於遠地者不公殊甚本都院所屬有淮浙二鹽嗣後運司所發鹽勛務令量地作價均平一例不許參差如有奸商構同浮冒增價邀利者訪出拿究仍移咨鹽院查訊商綱追窩以儆

一訪得江南各處牙行斗斛大小不等全由奸僧乘時射利客稀則故減以爲招徠賈集則頓增以圖侵蝕致混淆不可稽核而蘇松等郡大戶收租至有造加一之斛刻削貧佃者今四海一家謹權同量之世豈宜有此嗣後公私所用務遵照部頒倉場制斛出入一例不許增減違者許告發到官按律問罪

一各州縣通行官塘大河多被民家插箔置斲取魚牟利一里

之間輒有數處層疊迴合阻滯水勢每遇霖潦之年馴至上流田畝受其淹沒又蘇松淮揚等郡附近海口去處出水灘沙悉係豪強作隄占業或升科或不升科致經流之路漸窄旁溢之害愈滋此有關於農政 國課不小地方管水利官巡行查核宜撤者亟撤宜報聞者具牒以聞若支河僻港無關水利則聽從民便

一江南俗多溺女若貧窮之戶則有生兒亦不舉者忍心害理干沴天和淮海之間往往水早爲災未必不由於此按 大清律父母故殺子孫者杖六十徒一年血裏嬰孩固難比例然而舍生落地人命關天論以不慈法無禁漏有司嚴加禁飭除省會大郡設有育嬰堂者諭令送養外其餘州縣並須多方存濟以洪保赤之仁仍著地方總甲鄰佑察民間有溺棄子女者公舉呈控必重杖以警罪坐夫男

讀書彙卷第四十五

三

浙江書局刊

一吳俗奴僕有世義之名夫家之有世義猶國之有世臣也按律財買義男恩養年久配有室家者同子孫論況卵翼屢代者乎故爲僕者當殫忠竭力不可生悖叛之心爲主者又當甘苦與共痛癢相關不可視若犬馬任情恣虐近見無錫命案有醜僕五人銜盃拜盟手礫其主者非常之變可爲寒心至若素族暴貴而廣收投靠贖遣歸宗而陵轍無休並堪胎禍各宜猛省

一各州縣有等棍徒浮慕修善詔瀆鬼神自號香頭率眾結會朝山朝海動至數千百人裝飾旗幟喧闐金鼓蟻行道路蜂擠舟航疲罷之餘致有觸嵐霧驚風濤而死者則以爲干犯齋戒神靈譴責而然以此煽惑愚民愈加信奉是其情罪與

妖言邪術同科地方官嚴行查究庶幾震醒羣迷

一吳下弊俗每遇歲首春時城之各街坊鄉之各村鎮無不搭臺做戲名爲賽社亦曰禳火此等祀典在古有之然執豕到羊擊鼓歌鬪而已未聞桑柘婆娑必用梨園樂部也且一戲場之興則有二三地棍恃強出頭執簿歛費某家若干每店若干逼勒科索不容短少稍或忤意則風波頓起而地方爲之繁然騷動至於廢時荒業聚賭誨淫又其餘毒本都院下車之日以戲頭派詐投告者紛紛俱以已往未究示後敢有仍蹈前轍經被害人指名首告定卽飛提重處照光棍詐財論

一投貼匿名揭帖及知而不首者旣奉有卽行處死之例就使不係匿名公然出揭滿紙冤聲詎皆實蹟且一事之訟而媒

讀書全集卷第四十五

四

浙江書局刊

孽盡其生平纖芥之嫌而攻訐及其祖父薄俗刁風亟宜杜絕嗣後投告詞狀有粘連欸單揭帖者所告事情各衙門槩不許准理地方總甲遇有糊貼之人卽扭送官究治如係刊板者并根訊鑄字人重懲

一各處脚夫結黨立行凡民間米糧貨物到岸槩不容自爲挑運及婚喪扛擡等事必重勒雇直動輒爭鬧其爲打降羽翼多出此輩又有乞丐甲頭遇人家吉凶齋醮率眾索取施捨少不遂意則咆哮吵鬧污穢咒罵無所不至名爲灑賴實屬強暴有司並宜禁飭而革遂之

一江甯蘇州書肆多印賣批評水滸西廂及各種小說此皆無賴豎儒爛腐齷生之筆彼自以爲妙絕千古而不知其胡謔瞽說適足貽譏於大雅耳至若撰述私奔描摹淫穢迷蕩子

弟心胸尤爲干罪各坊速毀其板以滅其踪倘再流傳定將坊主立拿重責枷示

革火耗

爲嚴革火耗以甦民困事照得江蘇各屬歲徵糧銀數百萬有奇則壤定賦小民不憚胼胝以急公淮揚災傷 皇上每切軫念而加恤留不盡之民力正爲 國家養有餘之元氣也今七郡正額旣繁重於他省而額外之繁重更甚小民止此力量卽在常年豐稔之時精力若殫於苛求正供必反致拖欠况當旱澇間告之餘則凡可爲百姓省得一費寬得一分者自必除之務盡而後快本都院下車伊始訪得從前釐別非不甚嚴恐各屬陽奉陰違尙借添兌解費名色大斲秤收勒取耗羨甚爲厲民爲此示仰撫屬官民人等知悉嗣後徵收糧銀悉令糧戶自赴官櫃照依由單科則將足色紋銀一遵部頒法馬按數投納若有低潮虧短出示曉諭發與原封令其添補不得差人拘喚起解到司該司亦不得額外加平倘有勒費重兌等弊訪實先參本都院仍不時到司看驗冰檠一念天日相臨誓於正額之外毋許稍溢分釐鹽漕各項一體遵照如有視習弊爲常規藐禁革爲具文者或經封櫃提驗或被里民控告官立 題參役拿處死斷不姑徇本都院革弊自革耗始其各遵毋忽

禁濫差

照得衙蠹之害甚於虎狼虎狼窺山澤而居衙蠹踞市井而流毒者也衙蠹之患慘於盜賊盜賊視殷富而劫衙蠹雖貧者亦不免也故蠹之爲名物從內傷衙之爲名官假以翼良由不肖有司狼狽爲奸有拴爲心腹抱鼠而眠者有布爲爪牙肆惡而

吞者于是白牌殊票騎馬乘船婦子爲之奔竄鷄犬於焉不甯
四境之內騷然不帖席矣嘗見上司差到下屬樹威張跋聲勢
赫然彼下屬之畏差不僅如其畏上官也府州縣差到城市鄉
村爭徇咆哮見者股慄彼城市鄉村之民之畏差不僅如其畏
府州縣官也差日煩民日剝民之身家安得不破碎耶江南大
弊惟此爲尤息事甯人端自此始爲此云本都院誓不差一
人下司道司道亦不許差一人下城市鄉村本都院設立飛籤之法官吏
縣州縣不許差一人下城市鄉村本都院設立飛籤之法官吏
積玩催而不應卽封籤飛提令經承齎籤到轅聽候發落至限
滿不完則將本官立參該司道府亦照本都院各設飛籤立法
催提如提不到不妨申詳本都院代爲提懲絕不厭煩至各州
縣除事關欽件大案外其催比錢糧止許摘比欠戶二限不

讀書彙卷第四十五

六

浙江書局刊

完者將欠多戶名掛牌聽比掛比不至再用木皂木皂不至則
是頑梗之民不可化誨矣始行差拘責比其餘一應事件止許
原告自拘或同鄉約總甲協喚總不許差役踪影略露民間如
違禁濫差許爾百姓人等奪票赴告奪得一票到轅呈首者除
官參蠹處外賞給銀五兩爲勸此係本都院撫輯地方第一大
政在浙兩載行之立效終年吏胥不到鄉民不見官面詞訟亦
息民無勞費卽可以當正供有司懸示縣門而輸將恐後鄉曲
無擾熙熙幾同邃古吳越咫尺此爾官民所習聞習見者也言
出必行幸勿以功名嘗試

嚴別地丁積弊

竊照江蘇賦役甲於天下而積弊亦甲於天下官斯土者非徵
賦役之難清積弊之爲難積弊清而賦役舉矣然朝廷功令

何等森嚴上司告戒何等諄切乃不肖官蠹則日夕圖維思所以巧避名色實濟貪噬之方遂將一紙告示視爲具文斷無有實遵奉行者本都院則不然如革火耗則有親驗封驗之行禁差擾則有擒差奪票之賞查由單則有遠則過公事經由近則微服到鄉取看之法滌漕弊則又不憚飛艇到倉親查親詢之勞其他俱立法澄清務令弊端悉絕以臻上理茲將正雜錢糧催徵起解一切便民與害民者揭數大端通行申飭各屬有司如仍玩視本都院惟有執法以糾而已慎之特示

一截票須按欠稽比花戶謂之板串乃謂得宜按其戶內之銀分謂十限每限應完若干預期造定仍聽民隨時完截銀完截票甯家免其應比欠而未截者始將姓名掛出責令完納謂之掛比總以未截花戶爲主不以通圖欠數爲憑分鄉立

讀書臺全集卷第四十五

七

浙江書局刊

九十三

限遠近各有期會按票而摘勸懲自爾知警乃州縣官畏勞就逸不能設法查摘輒以通圖欠額總比里長以十甲之荒逃拖欠耑累一人受責由是以少作多以完作欠百弊叢生而且值月供應送禮解糧採買修造諸費無不於里長苛取經承坐圖催押保歇諸役無不於里長需索民何以堪不知以一人承十甲之事則雜辦雖易取盈正項遂至遲悞以一戶完二戶之糧完者歸農欠者掛比則頑戶無可逃遁良民競效輸將而所省差歇諸費可抵正供大半自今州縣務須力行掛比之法將圖中花戶姓號住地註入比簿不用里民切脚如有完不及數者摘出花戶姓名或發自到單或發紙早仍設便民櫃完銀繳單不用守候恃頑不到許發籤提如有真正奸頑違限已極者每圖摘提一二戶懲誡並不許另

立當年里長名色偏枯累民此法務須內衙查摘不得假手胥役以滋弊竇如有徇於積蠹之搖惑矜棍之把持仍不實力奉行者訪確定以溺職指參其有應造徵銀比冊串票原屬官胥分內之事著經承寫辦不許派及里下如濫著里下承應另立總書冊書等項名色挨年輪值每逢比限責令帶齊各甲里長赴比者并參不想

一徵收錢糧應照部頒法馬令民自封投櫃乃不肖有司私置重戡秤收每兩勒加火耗指稱解司收兌之重及各衙門使費之繁以爲口實上下相蒙狼狽爲奸本都院已將司收添搭等費嚴行痛革仍就近不時查驗自後州縣徵收俱照部法准收准解倘怙終不悛仍有於額外另加分毫及假手銀匠多革重耗甘心以功名身命拚此者近則本都院不時飛

讀書臺集卷第四十五

六

浙江書局刊

艇到收所親行掣驗遠則委員封櫃押送到轅驗實官則立參吏卽重懲

一自封投櫃之法最善不意櫃書置身事外更易作奸遂有捏少以換多假色以易紋之弊迨拆封之時拘民補完殊籤風發虎役雷奔百姓驚心喪魄有口難言何敢不補及至銷籤銷號之後入之官者不過分錢而費於民者已不啻數兩可爲痛心髮指嗣後僉點櫃書登記流水須選老誠殷實之人不得勒令里長同站需索供給仍不時覺察以防盜換卽有短少青微必須開單曉諭俟下卯比期發銀親驗照數補足如所缺不多聽將制錢投補倘有妄差輕捉多勒虐民者許被害告發櫃書差役立拿處死官以贓論指參

一條銀解司原於臨時傾成元寶大錠至百姓投櫃之時止取

足色真紋不論錠件俱可完納今訪各屬蠹書控通奸匠勒令於銀面上打印櫃書非此不收而各匠又併聚一處止設一爐壘斷把持以紋爲色指高爲低任其銷折每兩或數分或錢許不等且額外勒索火工錢打印錢當輸比之日乘急要求小民受盡荼毒吞聲飲泣莫可誰何亦有州縣仍有奸民開張秤封鋪面凡遇鄉民臨限完銀彼卽招徠代爲秤封抑勒銀色亦用脚印多索火耗以逢迎縣官交結櫃吏拆封之時一見無此脚印卽便捉輕提青受累無窮小民不得不投入其家任其指使甚有鄉民入城見其愚懦可啖彼卽包攬代完竟將官銀侵用遂限支吾不完縣官欠糧捉戶仍又累及糧戶重納此等弊害尤爲可恨示後徵收錢糧惟將青徽細碎任投匠鋪下火傾鎔如係足色真紋不論成錠成塊

臺全集卷四十五

九

浙江書局刊

一槩收納敢有銀匠及秤封鋪戶仍前在於州縣衙門左右開張鋪面串通櫃書勒詐糧戶者立拿處死并究容隱之官一錢糧官收官解定例已久今各屬多有不遵訪得江淮揚三屬爲最解司錢糧仍發里長傾銷或攬和低潮或短少天平每元實一錠里長約賠費六七兩不等傾銷之後又押起解鄉民憚於跋涉拖累每銀一千甘貼解費十餘兩不等其中又有猾里豪衿求情乞免將所免之費復加派別里名下賣甲差乙貽害無窮以後再蹈立麥不徇

一江蘇所屬相沿立有量催量識保戶歇家公正首名區頭區書站櫃種種名色指難勝屈統而言之皆係包攬錢糧之積蠹吮吸民膏之蝨賊其在胥中移欠作完飛灑隱漏無弊不作米麥兩熟挨家斂詐名曰出鄉每畝每年彘銀六七分至

一錢以外不等名目貼役遇推收田地出入排甲等項百般刁勒不饜不休甚至侵收錢糧孳家遠邇累民重完爲害無窮在城附郭則有走畝名色掌握畝權每畝每年多貼役銀甚多推收田地計畝詐足始放出畝皆因此輩非係黜衿卽是土豪衙蠹冒稱有田有丁里排父傳之子兄傳之弟積弊相沿牢不可破此後州縣力行截票之法各將保歇里書走畝等項名色槩行禁革嚴加驅逐再有愍不畏死仍前包攬充當者不時查報以憑立拿杖斃不報者以徇庇糾參又有布政司前歇家包攬各屬錢糧申司役開銷使費耽延勒捐使費不足甚至侵蝕正項一切缺兌臥批之弊皆由此出除另行藩司嚴查解究外本都院仍一面訪拿以靖弊端一地丁錢糧種種弊竇皆由於積年戶書盤踞衙門各佔畝分

讀書全集卷第四十五

三

浙江書局刊

名曰管總科派伸縮皆出其手而里書之作弊尤甚每於造冊時先將富戶錢糧收入已隨於各戶田地地下飛灑分釐積少成多遂其豁墾更或擇愚懦之戶妄栽多糧累其比責或捏立詭名輾轉影射終年拖欠累官害民罪不勝誅嗣後各屬不許再立戶總里書名色害民如仍容積蠹本身及子弟依前盤踞者以不職特糾

由單名曰易知須將條銀漕米每畝應納若干細數開註明白例限隔年十一月頒佈使小民一一周知二月內到部今書役作弊每至達部之時尙無刊單經承總書藉稱由單未頒先造約徵比簿或飛灑或隱竊多茲弊竇亦有隱匿部頒改造小單有總無撤愚惑鄉民又科派刻單之費每里數兩不等究竟僅有由單之名貪官猾吏止於縣前并城門上掩

飾耳目貼其一張里下小民有生不識由單爲何物可爲髮指嗣後各州縣將下年易知由單先期核送藩司覆核明白預期頒佈逐戶散給令民照數完納不許私造約徵及隱匿改造私派刻費臺釐本都院但有公事經臨處所或近處不時飛艇到鄉村向民索由單取閱無卽飛參

一錢糧於條銀之外有課鈔匠班顏科漁課門攤酒契當牙牛馬等項雜稅各屬俱不遵照全書定額濫徵勒耗一倍數倍如田房稅一項原出民間買賣輸納今皆坐派當甲押令完銀而民間買賣者仍無遺漏又每契一紙勒索契尾錢五六錢不等且將收下稅銀一任經承私收花用及當起解之時盡歸烏有有司恐累考成致累各戶重納百姓吞聲莫可控訴嗣後一應雜稅俱照正項徵收一體聽民自封投櫃完者給與印串不得假手胥役執戡秤收以及坐派加徵違者參究

一州縣近年帶徵錢糧以及各年未完漕項每有蠹胥奸里通同侵蝕恣意飛灑完者仍多懸欠有司不行查察一槩比追小民有屈無伸此後務須確查實完實欠不得混行比追致干參究

一撫字催科原可竝行不悖比糧之戶皆鄉里良民專藉筋力春耕秋耨今有司擅用獠頭大板動則數十痛責傷殘耕耨無人錢糧何自而辦又有一月之內比至五卯六卯者俾遠鄉之人奔命不遑且設措些微亦止足供僱倩杖錢之費如此催科但爲衙役作生涯於正賦何濟嗣後各縣比期一月止許三卯刑杖照部式小板量加懲責本都院體訪頗密循

良嚴酷舉劾攸分勿謂蚩蚩任供敲朴

一官員供給設有俸薪迎送餽遺尤屬 功令嚴禁乃江北各屬仍派有值月里長承值內衙又有供應過往官兵河下買辦大禮小禮等名色每里按畝徵銀更有不肖州縣官將供應買辦諸費令里長包貼入己及有差使仍累小民尤可駭異此等陋規敢再踵行定行參拿照贓論罪

一雜項私派歷經前院嚴禁今訪聞各屬仍有不肖官役指稱上行李件每每假手劣衿豪棍或指一派十或指十派百名爲公議實卽私派此後除應徵額編錢糧之外敢有仍前橫派雜項者一經里民告發或本都院訪實官則特疏飛參吏役嚴拿究擬決不姑貸

一南屯米豆例應徵收本色解赴省倉交收今恐不肖有司或有每米一石勒耗米一斗又派水脚銀一二錢不等每豆壹石折銀一兩七八錢不等甚有派至二兩以外者嗟此小民其何以堪此後止許照額徵收本色不得勒索耗贖水脚及重價折徵如敢故違官參吏處 嚴懲

讀書全集卷第四十五

五

浙江書局刊

宋志梁校

河陽趙士麟玉峰父著

受業李遙穀輯

男宸黼編

卷四十六

撫吳條約下 一十六則

嚴別漕糧積弊

照得漕糧夙弊禁申非不嚴且詳矣而不肖官蠹虎視眈眈卽置鼎鑊於前猶必飽其慾而後已如鼠穴旣塞從旁復穿是以一弊方革一弊旋生全不畏法止要濟貪今本都院特與爾官吏約有不畏法者聽之必欲濟貪者亦聽之本都院惟知有朝廷有小民而已查實立糾勿怨勿悔

臺臺卷第四十六

一

浙江書局刊

一各州縣漕米正額而外經承里蠹糶戶結連捺派每納米一石指稱公費勒銀若干進倉加耗淋尖踢斛加米若干爲運官旗丁陋規者運官旗甲收兌米銀外每石勒畫會腳價若干神福公禮若干運官盃盤銀若干旗丁花紅酒席銀若干運官差丁押兌銀若干運官旗丁兌米逐日俱應銀若干綱司水手銀若干綱司穿籬穩跳銀若干開船神福酒席銀若干爲各衙門陋規者差役赴糧道請租斛銀若干赴各上司報開徵并呈樣米袋借名派銀若干糧廳臨販較斛公費銀若干糧廳酒席盃盤銀若干糧廳管兌經承銀若干糧廳押兌差人銀若干本府管兌經承銀若干本府押兌差人銀若干道經承規禮銀若干修厥銀若干籌斛風車蓆摺銀若干斗級斛手工食銀若干本縣開厥猪羊酒席銀若干本縣臨

厥每次供應銀若干爲糧道衙門應規者行月貼運軍儲白糧經費等項收則有加平各項之費放則有每船扣勉之漁又何怪乎運官旗丁之橫索也以上弊害無窮盡屬民間膏脂聞者毛髮皆豎啖者甘美如飴本都院躬行廉察務期徹底澄清犯者惟有立拿入獄告以紓積怨

一官收官兌奉 旨通行凡民間應輸糧米照數交倉執票歸農之後一切兌運事宜原不與聞各屬之有漕運自當恪遵無異乃多陽奉陰違如納戶完米在倉未曾出兌仍責看守臨兌之際仍令與運丁講兌說貼私派多端藐法殊甚示後各州縣務將應徵糧米細開花戶某名下該漕白糧共若干南軍兵糧局恤若干改折減存行月若干大書告示粘貼倉門分畧編厥令收書數名經管登記各納戶上糧入厥卽日

臺臺全集卷第四十六

二

浙江書局刊

給票歸農不許需索票錢使費一切兌運事宜俱與納戶無涉開兌之期印官親交弁丁立取通關呈驗如仍容軍民相見致滋勒捐苛派者定參劾提問

一白糧例係同漕徵收其春碓虧折全書編有春辦米石包練人工亦有糠糶抵償近來州縣藉稱春辦虧折另行徵收將白糧項下糙耗米石以及運船水手飯米槩作白糧款項每石勒耗加一二不等或內扣或外加又每石勒包練銀一錢或數分不等或指稱糯米價高折銀採買則倍價徵收或令納戶自備布袋糾合積棍私用印記非此不受勒取重價又額外多索空袋名曰貼袋種種耗費相因而生且小民分頭完納恆多守候之苦嗣後漕白二糧務須一總徵收同厥並貯印官惟於徵下米內揀選土色米石春辦白糧一切人工

包袋草練俱將春下糠糶抵補不許另款徵收額外私勒耗贈包練至領兌白糧船隻既有行月又有經費較之領兌漕糧已屬從優若再恣橫苛求定卽提拿立斃

一兵南局恤向例隨漕徵納但漕白二糧乃運北之項必須潔淨乾圓若兵局等糧則民間食用之米皆可上納向來江南積弊盡役豪強串通經承將自己糧米派完南軍等類盡將忠厚殷實與零星細戶之糧派納漕白是完納雖同而苦樂迥別且坐完兵局等米經承既受其賄又可任意延捱軍糈累年不及使駕軍水手蠶食正糧因而道廳盡役將各軍應支行月半價強買勒取號領仍復串同經承重價苛徵總之軍民咸受其累盡胥漁利於中大爲不法嗣後州縣務將兵糧行月局恤等米從公均派徵收如仍前作姦致納戶苦樂

臺臺全集卷四十六

三

浙江書局刊

不均及藉稱兵糧費用需索水腳銀米訪實官參吏處

一減存行月部價行糧每石一兩二錢月糧每石一兩此項減存原卽在該年由單所載每畝科徵米數之中因運糧船隻減存不用故將原編行月二糧折價解部乃蠹胥從中弊混米貴則受賄將勢力糧戶應完之米坐派減存米賤則於冬收之際照額徵足復於開春徵比重戡秤收多勒耗贈本都院見行江蘇兩糧道查將各州縣應扣減存米石如應徵本色運通者該州縣務同兵行等米一竝徵收外其有折價者查明減存行糧月糧各該若干該折價若干於闔邑均驗徵收仍於納戶應輸本色米內照數扣除其徵輸折價亦照地丁令民自封投櫃不許在收書私室執戡秤收如犯前弊重

究不宥

一錢糧正供民間原係按畝輸將完者歸農欠者聽比此一定之理乃州縣憚於煩瑣或止比甲長或總比畝催以通畝合甲之完欠責之一人以致欠糧者痛癢膜不相關完糧者無事橫加敲扑又每扇報一扇總藉稱合算各畝錢糧實則苛求使費大爲民累嗣後止許追比頭戶不許偏累甲長畝催并僉報扇催厲民如再故違立行參究

一糧總收書責任綦重乃有豪猾巨姦百計鑽謀務求必獲或議酬於紳衿公然保薦或通綫於內署漫爲充當纔經上卯已費多金其設心營求久已視爲利藪焉有奉公守法示後各州縣務於僉點之時苞苴請託一切不行慎選誠實小心書吏數名憑公鬪拈收糧登記隨將姓名自具保結詳報本都院存案如糧總收書執法悞漕按法重處外本官卽連坐

鹽臺全集卷四十六

四

浙江書局刊

題參以縱蠹殃民議罪

一各州縣照額編之數徵收漕糧及至交兌完時每多虧欠其弊由不肖官吏先計通縣應收米若干約得加耗若干將倉收印票給心腹衙役於僻處照依時價并算耗贈一總收銀糧戶計圖輕便且無守候之苦爭趨如市折者過多於是踢斛淋尖浮勒愈甚尙不足以補倉中米數而折銀竟自入橐又有蠹役哄誘愚民代爲包納將米載至私室私給收串及侵欺腹飽竟逃匿無踪縣官仍將欠戶追比勒令重完本都院稔悉姦弊嗣後敢有私折私收者或經告發或經訪聞官參吏處其通同私折私收之民一併治罪

一各縣倉斛俱遵照部頒祖斛製造斛面釘攬較准印烙頒發徵收乃不肖官蠹密囑姦匠將糧斛牆底之間預造襯木印

烙時抽出襯木周圍用鐵皮包裹欺朦較驗收米則敢鐵加襯每底暗藏分許卽抵斛面半寸或於驗發之後暗將斛內四圍鏤削寬大至斛面向釘斛攔平量不許浮高顆粒近來釘攔鬆寬操曲其鐵收米時提攔堆平尙留寸許或緊攔平量則竟扣正數如斛米一石止算九斗幾升出票陽遵平斛之虛名實吸小民之膏血又收糧處所糧斛自應多備庶民間上米隨到隨斛而無守候之苦乃收書故將印烙之斛大半藏起止留數張在倉場收斛以致擁擠搶奪懦弱小民守候無期任憑蠹胥勒索使費抑令折價諸弊叢生嗣後各州縣務須量糧額多寡多備糧斛緊釘斛攔不許暗藏襯木鏤削寬大平斛折算收糧之時本都院當不時弔斛查察如仍踵前弊官卽飛參役拿杖斃

讀書堂全集卷四十六

五

浙江書局刊

一 百姓納糧到倉積棍收書每借米色爲名露宿不收以致糧米擁塞倉口小民受責公庭於是多方勒索飽慾方收嗣後印官同該糧官看驗米色如果乾圓潔淨卽斛收入倉收書倉役不得借名停留勒捐致遠鄉之民守候受比其酒飯錢串票錢等弊槩行禁絕違者重究

一 聞江南各屬印官俱差內丁在倉監收巡邏糧總收書加意結納肥甘羅列試思此項食用從何而來總由捏合一夥加斛面討串錢捐詐小民供其饜養不但壞亂漕法抑且大玷關防嗣後槩行禁止違者以不謹參治

一 濫差之害本都院已行嚴禁至漕糧一項向來戶糧房焚得賣差規費故將漕白南糧分爲數差又有雜費差正差貼差牌票入手乘船率眾未說完公先勒索費每石五六分不等

此差方去彼差接踵原差之外復又飛差酒飯船錢多至數金稍不遂意毀門鎖項旬婦女辱生儒官倉籽粒未入小民已至破家自後凡完糧之民已經開倉上納不許濫差儻有山僻遠鄉逾期未至者每畝止許一差無論南白漕糧總開入一單催攝如將已經上糧之戶一槩出差及各項各差多分各色者許糧里指名首告出票經承及承催蠹役立拿處死

一修理倉廩爲費有限印官自應設法修葺以蔽風雨乃不肖有司端以收漕爲利數藉稱修倉公用按崗索取公米樣米心紅供給等項名色殊玷官箴合行禁革已後凡有借修倉等項名色私派肥己者立行參究

一多年積歇根深蒂固高立頂價買賣相沿近且旗丁子弟黜矜革役一槩兼充勢豪劣紳亦復包攬爲惡百端屢經嚴革名去實存皆緣不肖有司貪圖陋規藉彼箕斂當收漕之時指稱上官公用名色用一派才先將蠅利浸潤本官落其圈套遂代彼徵催勒限完納小民變賣完納怨謗載道究竟利之歸於官者十之二三歸於胥者十之七八一經發覺胥役之性命不足惜而本官身命俱取羈囚對簿子散妻離回思昔之染指者能供幾處閑錢言之豈不可痛合行禁革各州縣官先具並無積歇遵依印結送院存案嗣後如敢仍有盤踞肆害者許里民指名首告立拿處死州縣官以縱蠹糾參監兌以失察連坐

一積歇之外另有倉蠹曰姦棍曰學霸旗丁私貼官吏橫派爲之作線者全由此輩俗有賣水次開天窗之說運船一到便

講規例索土儀力任作倡爲頭加派愚懦小民不得不供其
魚肉此輩分肥飽食鼓掌羣酣一次擎頭歲歲踞成窩座推
陳出新實繁醜類今本都院立法積款姦棍則責之州縣官
嚴查申報列入訪案 題參照光棍例處斬學霸則責之各
學教官先取具本學有無倉蠹報文甘結送院仍逐日稽查
十日一報如別有發覺者該教官卽以不職參處

一倉夫一役原令看守倉廩每倉三四名足供其事乃各屬倉
場每有積年倉夫帶同男婦家口住宿其中侵盜漕糧一經
發覺逃匿無踪縣官仍將欠戶追比勒令重完甚至每歲八
九月間申通經承著令各扇總圖書每圖舉報廩夫一名著
令催比漕糧小民畏當役務議定規例包充復句同邑斛腳
夫等項在倉私派陋規勒索捐詐夫爲民害示後每邑每倉
止許用廩夫三四民止司典守廩房吏更巡邏不許容留家
口經年住宿其中致滋侵盜其徵比漕糧不許責令催比敢
有蠹役仍前多報冗役致積年倉腳夫仍自盤踞者許糧戶
赴院呈控卽行嚴拿處死

讀書全集卷第四十六

七

浙江書局刊

6 11 文

一各幫運丁業有漕截之費行月之糧贍運之田儘足輓輸不
憂匱乏豈容再肆淨獮然亦由州縣因循陋例動指公費總
書指一科十婪貨盈囊旗丁藉此搖唇官吏受其箝制乃抑
勒糧戶爲貼費之說朘剝日增膏髓俱盡示後管糧各衙門
官役務俱洗滌肺腸毋仍勒取陋規坐取漁利其州縣官將
漕贈銀兩如數交付運丁不得扣勉抵折此外不得再有需
索如州縣科派百姓及運丁勒捐官吏者官參丁處斷不徇

縱

一起兌之時運丁綱司擁擠倉口每藉人多闖鬧以爲需索苛求嗣後遵行掣籤之法州縣官將漕糧分貯倉廩設立各倉字號籤貯於筒內運官亦將該幫船隻分派每日應兌若干船即將該船運丁領給腰牌輪班進倉掣籤赴各倉受兌酌定每日一船限兌米若干石兌足方許繳籤牌其無腰牌者槩不許入倉擠鬧如有故違及停兌需索者監兌官卽以悞漕揭報白糧儘米掣兌亦照此法一體遵行毋違取罪

領運官弁督率旗丁受兌抵通交納全完例有議敘近來各弁惟圖貪利如各船赴次受兌按船科勒上米飯米等項名色或竟收正糧或扣支行月負重等項旗丁既受賂削抵通保無掛欠是以贍養旗丁之資歸於貪弁之腹惟有縱令肆橫毫無約束州縣印官忱於漕限剝民益軍以圖安靜是民多耗贖皆由運丁之肆橫而各丁敢無忌憚實由於運弁之需索嗣後領運官弁如敢需索陋規者立行嚴參重究

飭鄉約

照得周禮司徒之職掌邦教以佐安擾蓋因其性而導之爲安矯其習而馴之爲擾安之之法利用教擾之之法利用刑與其已然而刑之何如未然而教之我皇上親製上諭十六條頒布天下其於化民成俗之道包并無遺內外臣民莫不欽遵且屢奉部行諄諄通飭其澄敘官方註上考必以宣講上諭爲首稱近又飭武職衙門一體宣講無非欲化行俗美翕然與唐虞三代媲美隆況三吳素號繁華風氣未盡淳習俗未盡古訟獄盜賊未盡衰止鄉約之講更不容緩本都院已擇八月初一日親詣蘇州府學宣講上諭作倡每月依期著爲定例爲此

牌仰該府并通飭所屬州縣官師人等知悉文到卽於所轄各鄉之中每鄉舉一品行端方齒德兼尊輿論所共推者爲約長副以年壯力强素行無玷者二人竝免其徭役俾得悉心宣揚勸導董其一鄉之事月朔會集公所恭捧上諭十六條并前院所頒注解高朗講說務令明白曉暢人人驚省仍不時檢察其鄉之淑慝從違者轉聞該管官明示勸懲其有事體重大應旌應懲者仍申報本都院定奪如該鄉約長副有能實力化導一方者地方有司卽以狀聞給扁獎示儻有匪類濫充徇賄糾舉并倚藉壓眾干預外務及懈惰廢事者府州縣官訪實許卽責逐更置昔鄭崇之鄉盜賊不入王烈篤行人畏其知此真堪表一鄉者該府州縣務期實力舉行不必拘定官止在城府則廳官州則州同州判縣則縣丞主簿及各學教官皆可分出人

鹽臺卷第四十六

九

浙江書局刊

多鄉鎮周流督講卽具遵依并約長副姓名報查毋違

申講學

竊照漢廷傳經宋代講學良以儒者託體宮牆若非日與聖賢經傳朝夕講肄則勲業文章將從何處薰陶鬯達而出故必原本師承遞相祖述而從文教爲近古自世儒不察往往忽爲迂闊於是鄉曲小生旣狃於童習錮見無所發明而號稱才智者又雜出於功利之途或溺於異端曲學而不知所底蓋正學之榛蕪久矣我皇上崇儒稽古文教聿興鄒魯之靈在天濂維之傳克世莫不人習詩書戶登絃誦而況江左名區素稱南方之學得聖門之書華者乎本都院宦蹟所經其所講習俱勒爲一書先後刊布今在吳會猶素志也爰擇九月初二日詣蘇州府學親講作倡單月依期著爲定例爲此牌仰該府并通飭所

屬州縣官師人等知悉嗣後各學務延經明行修堪爲師表者一人俾主講席該府州縣官照期親詣明倫堂習禮序坐橫經暨義表身心爲定格切問學爲指歸進生徒而討論之發一議必反覆提撕質一疑必直捷指點務使學人曉然自見其心性之原而卽推致其明體達用之學則庶幾師儒均無忝宮牆矣昔南豐曾氏曰以不學未成之材爲天下之吏而治不教之民仁政之所以不行盜賊刑罰之所以積此皆造士者之過也然則今日厯階問難之輩類皆他日縮綬宣化之人儻不講明聖賢垂教之旨何以發揮聖賢澤民之學乎昌明正學端自今始文到務期一體舉行卽具遵依并主講姓氏報查違者以不職論

禁夫船

臺臺彙纂卷第四十六

十

浙江書局刊

爲嚴禁擅索夫船馬匹勒石永遠以除官民大害事照得江南水陸係直省衝衢驛站經制應付旣已極爲浩繁豈容復有分外違例之供其無驛遞處所本無船隻夫役可應追呼益無起發民夫波累埠船之理乃本都院訪得撫屬道途弊害叢生殆非一端有奉差員役前站一到馬頭恣行虐嚇加夫加船折乾入己者有指稱憲節經臨夫頭埠頭私派津貼者有府廳官因公出境封銀到縣名爲僱覓其實繳還著夫頭埠頭賠累者有迎接新任胥役挾票撲勒船隻者有仕宦遊客經過地方官擅撥夫船見情者有佐貳教職雜員出門擅自出票取討過船者有過往將弁鴟張騷動肆惡橫索者有防兵更調及各營差遣領餉解火藥甚至打草砍柴皆拉夫踹船驚擾地方者有解逃人盜犯違禁擅討裝送者有差役投遞公文驛夫拽送船隻本

應徒步亦強索坐載者凡此積弊流毒本都院誓當盡剔根株
合行通禁爲此云云嗣後各驛惟奉差員役遵照勘合火牌應
得額設夫船馬匹如數應付其餘白牌小票到驛擅取許驛官
卽時擒執申究至各處埠頭除大兵經臨或起送各項家日官
船不敷權行僱覓接濟外其餘不得濫用一夫擅拿一船本都
院躬行作倡遇有公出坐船用夫悉自行僱覓斷不毫擾民間
通屬俱當一體遵奉敢有故違許被害民人船戶赴轅投告有
奪得一粟來首者賞銀五兩爲勸地方官有能嚴拿申報者卽
以風力獎薦將拿解之人從重究處官則飛參務使水陸肅清
永絕騷擾勒石遵守各毋違悖

觀風示

竊照文章一道歲異月新迥勝國以迄

昭代蓋不知幾經變

讀書集卷第四十六

十一

浙江書局刊

八十一

化風氣所趨人爭揣摩求售而巍科接踵必推江南四十年來
尤爲極盛豈獨其星野之鍾靈山川之環秀乃爾哉良以駟隊
選驍庸庸者詘雞羣立鶴矯矯者尊卽今翰苑鑣聯奚止高楊
張徐之稱傑賈坊紙貴悉追王唐瞿薛之名家根深條茂積厚
流光所固然也本都院於丁巳之秋奉 命典闈亦旣甄薦南
金囊收東箭茲幸撫治吳會專轄名區知彼瑰雄磊落尙多踰
伏於衡茅揣其沈鬱牢騷欲就風塵而物色是用下車伊始思
切調饑所期載寶俱來面令親炙除各府屬封發題目另檄委
試外爲此云云俱於次月初九日齊集府學兩廡并明倫堂聽
候本都院親臨出題考試爾諸生務拓千古之胸抽一日之穎
勿論清奇平正總須自出心裁何似捭闔縱橫祇在不離理要
苟堪賞鑑甯各揄揚至在籍貢監及未進童生有願就試者亦

准另題一體收考

禁扒手

照得鎮江西門外一帶乃南北通津舟航雲集行旅肩摩有司所宜加意隄防俾棲止無驚道途胥悅斯副我國家一統車書之盛豈今訪有不法棍徒勾結旗廝俗稱扒手二戶長名色在於江頭灘岸遇渡船一到蜂屯蟻聚行李貨物擅自駝負而走不問程次不講雇直反與單身商客喘急追隨至歇卸之處則恣意索錢視常雇不啻數倍甚則半途潛颺莫知去向以致損囊喪本害及軀命者往往而有又西馬頭至南閘城外大路人居稀少荒僻風雨則樵草旗廝欺孤凌弱動輒明搶暗竊鎮灣大小閘西門橋等處往來行人擁擠雜沓則有虎喇鷹爪搥白剪綰等害至於平時扭放營債滾折妻孥冒捏逃人恣意詐騙尤爲厲民此輩棍徒或係旗下橫行或係姦民混冒真偽難分俱干重法除一面咨明將軍嚴訪外合行拿究爲此云云如遇前項大惡及橫勒強奪掏竊等棍被害人立時喊叫地方其總甲附近人戶務協力擒拿押赴府縣衙門審問果係旗下者解將軍公衙門處治如係假冒卽嚴拿究擬申報本都院立置重典若地方總甲附近人不行救護協拿查出并坐決不姑貸

禁扛孀

爲嚴禁扛孀惡俗以維世風事照得婦人之道從一而終脫有不幸斯真呼天搶地無所控愬之人爲鄰里鄉黨者縱不能匍匐救之亦何忍因之以爲利乎今訪民間向有扛孀惡俗係無賴地棍耑覲里中孀婦夫骨未寒輒敢勾連棍羽撮合鰥夫婪

囊擡人勢同橫劫不問本婦甘心荼苦願守夫喪不顧伊家舅
姑失養子女慘離不論兩姓年齒不齊良賤非偶不容舅姑母
家擇配主婚稍有他議反肆擒鈔毒毆莫敢撻鋒以致飲恨銜
哀俗鮮完節夫女子以不自失爲信縱非生長名門夙嫻女訓
亦豈不知改適爲醜顏之事乃橫被此輩逼脅浪擲終身此儻
夫所甯不痛恨本都院月朔會講上諭已經通檄所屬其宣
聖化務使窮鄉僻壤匹夫匹婦無不與被堯舜之澤害苗之
草芟除務盡爲此云云嗣後民間孀婦有恪守貞操誓死不嫁
者該有司官加意矜全俟其完節合例申請題旌其或青年
無靠皓首難期或門戶孤單不能存活者聽從舅姑婦家擇配
改適毋許旁人硬插阻撓如有無賴地棍仍前糾眾強奪敢於
恣暴橫行者經告理或經訪聞定按律從重治罪決不姑寬爾

讀臺全集卷第四十六

三

浙江書局刊

等同在天壤之中亦思疾病扶持方爲親睦况誰無夫婦忍令
存歿不得相保出爾反爾天道好還矧國法不宥乎其各猛
省毋忽

禁阻葬取意皆全對其宗禮合兩中結其理誠其效實平

爲嚴禁攔喪阻葬以厚民俗事照得養生送死無憾王道之始
而又惟送死可以當天事然則喪葬之禮關係民風土俗良非
細故今訪三吳有等惡習凡遇民間造墳毋論山川向背土田
近遠非稱有傷來脈卽嫌龍虎相妨輒糾集多兇橫行攔阻弱
受強凌寡被眾暴紛紛格鬪習以成風甚至掘傷葬穴拋毀屍
骸燒厰殺命慘不可狀受害之家勢必經官控理遂致訟庭拖
累破產傾家作俑何人眞堪痛恨夫自雪心賦抗砂經等書行
世東南風俗惑於龍穴沙水之說有數十年不葬其親者比卜

葬有地又被此等橫逆之輩阻撓敗壞卒至屍棺暴露安厝無期蔓草青燐傷心慘目誰無父母之喪何竟忍令至此本都院宣揚德化仰見 皇上信民之恩澤及枯骨卽掩埋齒體屢奉 明文而況喪葬大事乎合行嚴禁爲此云云嗣後營葬之家除奉 諭葬墳塋應有禁步通族祖穴立有族禁及歷代名蹟先賢墓道不得擅葬外凡係本戶祖遺續置山田地畝并現經契買官稅過戶者聽憑擇吉安葬敢有無賴頑民仍前逞兇攔阻本都院訪聞得實或被控告經地方官審詳定行嚴拿到轅從重科斷決不姑寬爾等試思積善餘慶積不善餘殃彼昏不知欲將子孫福命乞靈於既朽之骨因而曠日遲久委親不葬已屬大惑不解之人乃強暴之徒忌刻他姓得地妄指風水有礙又從而破壞之干戈相尋同歸暴露眞不解若輩肺腸爲何等矣獨不見古人忠厚之道鄉鄰有喪往往里爲罷春更有醵錢助葬者若等不思古道相助而惟強暴是逞乎顯有 王法幽有鬼神其各凜畏毋忽

臺臺彙卷四十六

古

浙江書局刊

禁喇虎

爲嚴禁喇虎肆惡以靖地方事照得害苗之蟲不一其類有食心爲螟者有食葉爲騰者有食根節爲蝨賊者彼害民之蠹亦如之本都院去疾務盡其各種民蠹業經先後禁戢拿懲外今訪江甯省郡又有一等喇虎名色專一串構營廝糾集匪類橫行街市莫敢誰何如羅織紡男開場賭博恃強打架潑酒姦占等事靡惡不爲查經各都院歷禁在案近聞此輩仍在江甯府前及朝天宮等處混稱翅虎金毛太歲等號數十爲羣拳勇逞技道路以目其荼毒良民不啻蠹賊之害禾稼豈可再嚴禁

爲此云云示後務各格心向善立靖根株俾五都之市廓然無
擾儻有怙終不悛仍前結黨逞兇爲害地方者一經訪拿或被
控首到轅定照光棍例處死斷不姑宥當今 聖化流行昇平
世界爾等安身樂業儘有本分生涯何若游手好閒陷入匪僻
竟甘浪擲頭顱耶其各痛省毋貽後悔

飭船埠

照得吳下澤國窮民駕船覓食甚爲艱苦乃遭強暴棍徒營充
埠頭百般招詐客商到行寫船指稱使用名色任意叩勉各處
多寡不同聞有至加三加五四者稍或拂慾則留滯停泊不容
攬載船戶飲泣莫訴深可痛惡又有蘇松等府文武大小各衙
門飛仙船隻本官不自給工食聽船頭誑給免差小票抑勒鴨
嘴小船每月津貼銀三錢以爲工食按月徵斂婪贓不費其各

讀臺全集卷四十六

五

浙江書局刊

台文

那船名不同或有倚恃官坐船隻苛勒小船津貼之弊合行
飭禁爲此示仰合屬埠頭及飛仙船頭眾船戶人等知悉本都
院蒞任以來一應封船討船諸弊已經給示槩行禁止埠頭竝
無使用豈得仍然借端勒叩船戶嗣後遇客寫載每銀一兩許
給銀五分以酌其寫票照驗之勞敢有違例多取各埠俱係通
行孔道訪聞最易一經覺察立卽檄提到轅併贓論罪其飛仙
船小票已飭蘇松等府各屬文武大小衙門自給工食自僱水
手外立押船頭限一月內盡數撤回及各郡官船竝不許需索
小船分毫津貼如過限不收仍前勒詐者許鴨嘴等小船人戶
執票赴本都院衙門投首本船戶賞銀五兩卽驗票飛提船頭
重責枷示官則飛參爲爾檣聞婦子一吐冤氣各宜力遵毋或

儒法

云云示

飭官船

爲飭禁事訪得闔郡文武大小衙門署有飛仙船隻乃自備爲緩急往來之用卽宜自給工食僱募水手何得給與免差小票令其抑勒鴨嘴小船領取照驗每月津貼銀三錢計一飛仙船合本衙門及轉稟長吳兩縣給票共九十張每年得銀不貲吳江青浦等處地方共有鴨嘴船三千餘隻每年斂銀不可勝紀賸查弱之脂膏填豪強之谿壑省在己之纖費貽地方之大害有人心者所不爲也一郡如此他郡可知卽船之名色不同而倚官酷索則一合行通飭爲此牌仰該文武衙門官吏查照來文事理凡有飛仙官座等船俱自行給與工食其所給免差小票限一月內著各船頭盡數撤回杜絕需索津貼之弊如過限不收許鴨嘴等小船執票赴轅控告除本船戶賞銀五兩外立

鹽臺彙卷第四十六

六

浙江書局刊

提船頭正身重責枷示給票之員立行飛參不貸

禁賭博

照得賭博成風爲害最大啟獄訟之端伏盜賊之種一切禍患所延無不胚胎於此究其造孽則主窮放頭者實爲罪魁蓋由其挾千百青蚨計權子母因而旬二三遊手先作罔媒遂致浪子蜂攢貪夫蟻聚呼么喝六整日連宵彼去此來倏忽敗而彼則旁觀鷓蚌爭持坐受漁翁之利其爲迷惑坑陷者不知凡幾矣或有罄囊荒業淚落臆而靡追甚則破產傾家命填溝而可歎總因士夫作俑釀成霧陣之昏只緣斗室藏姦驅就魚淵之萃賭窩不立博徒不聚賭窩不除博徒不散也倉行示禁爲此云云嗣後嚴拿賭博務先密緝窩賭之家地方有此窩者諸色人俱許到官出首照例將錢物一半給賞其窩賭及聚賭之

人照律嚴加究擬總甲保長扶同容隱與犯人同罪州縣官查拿不力察出以罷輒論愼之毋忽

禁打降

為嚴拿打降光棍事照得光棍之處分最嚴而打降即其同類光棍其名已久打降則起於近年且獨盛於吳下綠林一種不務生業遊手好閒之徒專逞耍拳此下原曰打手教師引誘民間子弟轉相學習因而此下原聯羣關通呼應暴橫凌弱動獲如意於此下原狡童狼僕爭欲攘臂登壇即舊放之窮裔此下原二其思傾身入隊計其流毒則勒騙酒食嚇詐貲財此下原慣助訟家之鬪毆或募作豪右之護持究其極則為人命之兇手強盜之把風矣除現在訪拿翦滅外合行飭禁為此云云嗣後地方有打降光棍總甲鄰佑即公舉到官重責枷示驅逐出境

臺臺卷第四十六

七

浙江書局刊

不許容留滋害若審有詐財實蹟者照新例究擬立斬其有延請教師在家學習拳棒兩鄰亦即舉首同居父兄并拿杖責地方官能不時嚴拿申解以風力獎薦若經年無聞其為溺職可知

檄通屬

為欽奉 上諭事為照奉 旨購書檄行四月有餘未據該州縣呈送片紙憑何上輸 天府況江左本文獻之邦 宸衷所注萬一他省羣相獻納而此地反闕如將來咨覆此下原得諉諸菁華之已竭乎俗吏蒙羞所不此下原府官吏查照原行即將發去書此下原縣發一百張火速分送憲此下原同該學教官傳諭好學嗜此下原市鄉村各處仍不時面會紳士詣致本都院此下原購輯上應旁求凡有家藏善本情願得價者議定

數目開呈止願借本鈔寫者算就用日繕畢卽還一面將書固封飛呈本都院核奪另示每州縣購書計五部以上爲率務期有裨心性政治不得雜採濫收并將陳編寒責部限轉瞬卽屆得書之後鈔謄裝釘向需時日萬難延緩定限十月內呈送如有遲違除提比經承外仍將該州縣職名定入應劬員數毋視等閒此下原一字極之下人文蔚興豈無彭幹朱載獻書千二百卷其人者乎望之速速

批公請講學呈

吳門名郡茂苑多才本季札禮讓之餘當子游文學之後尹和靖絃歌舊俗書卷猶新胡安定教授遺風筆牀宛在諸生生當其地出逢其時學擅淵源此下原就而能推賢樂善慕義嚮風可稱大雅不羣誠此下原及但鄭元入扶風帳下無忝傳經必

讀臺翁卷第四十六

六

浙江書局刊

韓此下原先生乃能原道本都院方斯有此下原崇正闢邪不

待矢諸今日析此下

原闕石鼎黃中堅吳世標尤倬韓此下原維揚蔣文淳韓繩

武蔡元憲陸馨湯祖閻沈垣許永貞許承翼唐繡馮兆陞劉

震祥楊去病吳挺丁瀚等具呈爲公請憲轅泚泮數揚道統

以宏文教事竊惟圖治之要首在育材好學之功必資切問

聖經賢傳本若江河在地而日月在天諸子百家不無道隱

小成而言隱浮僞年來之荆榛雖刈未窺暗室燈釭胸中之

煙霧猶迷莫暗廬山面目免毫寫出大都土飯塵羹蠹簡咀

含半屬風雲月露無裨誠正貽憾古人必究精微始聞大道

然關閩濂洛會心須得指南車而道德功名探宗賴闢康莊

路伏讀武林會語頓令頑鐵登鑪進觀敬一名言奚啻秦此

原闕入漢邇者此下原闕躍更有下情靡已望耳此下原闕

一字倍清明廣大修此下原闕薪傳願得青此下原闕之高弟此下原闕

此下原闕誠榮況此下原闕麤疏庸陋非宗此下原闕想泰此下原闕

伯委端秉禮此下原闕游古道照人一話勝讀十年書望之此下原闕

三字得可正從來誤樂莫大焉且政簡刑清洵是數文時候

而秋高氣爽彌深就日心腸伏乞曲徇積忱不宣實學談經

論史如登白鹿石渠辨難晰疑接跡杏壇槐市不必分經義

治事成人小子坐春風亦何需絳帳鱣堂棧樸菁莪零湛露

斯日培公門桃李使春華秋實堪收異時作京室棟梁感

削墨引繩有自矣為此連名上呈

批請刊會語呈

謬叨虛左屈勉登壇往說雖多立言不易若使拘牽文義便非

讀書臺全集卷四十六

九

發揮性命之談假令雜撰新奇又懼此下原闕而光沃斯理沛而

詞昌勿此下原闕言柱行安能盡契先儒況此下原闕之請行當

執此下原闕好華明此下原闕意與貴章六字此下當更有附文

...

...

...

...

...

...

...

...

讀書堂綵衣全集卷四十六

跋

河陽趙公讀書堂集傳世甚稀而學術經濟文章其光氣皆不可掩遏撫浙政績尤偉枕人至今祠之與武進趙恭毅稱二趙公集中撫浙撫吳條約皆其公牘文字平實驚奇讀之令人歎絕自世以理學爲深冬之絺絺輒以腐儒當之公平生最喜講學乃其爲政蒞事知仁勇三者具備有沛然莫禦之概爲學之真際固卓特乃爾如公信可謂不負平生所學者文采風流其餘事也丁松生大令擇詩文之著於浙者刊武林草然非全豹保山劉景韓方伯藏公集寫本間有殘缺取丁氏藏本鈔補原書刊於公之生前故集首無傳誌之文坊間傳刻之滿漢名臣傳亦無公傳浙江雲南通志溷繫識小錄諸小傳皆畧而不詳論世知人讀者憾焉君堅司馬賓賜爲恭毅嫡孫方以恭毅集請方伯復刊讀河陽集仰爲如驂之靳且以公之學問仕履見於公自著與諸論贊者甚備乃仿掣經室集傳之例成趙玉峯先生集傳一篇首尾完具光緒壬辰秋方伯護浙撫疏公政績請建專祠列入祀典奉

讀臺集

跋

一

浙江書局刊

硃批允准又出公集付書局刊行屬源瀚校原書序跋幾及

一卷寫本盡去之今取五序之足以見公生平者錄之而

附以集傳其餘序跋及他書中有事實爲集傳所畧者命

兒子舜年輯爲軼事十六則並丐慈谿馮夢香孝廉勘正

寫本之譌誤焉幽光墜緒久而愈昌豈偉致哉上元宗源

瀚跋

